

Storia di Corsica



Storia di Corsica

Autori

DIUNISU LUCIANI

Prifazii

GHJUVAN MARIA ARRIGHI - CHRISTOPHE GOBERT

Illustratori

GASPARD

Capiprughjettu

STEFANU PREDALI

Sesta è impaghjinatura

EVELYNE LECA-FAURE



Prifaziu

DA PARECHJI ANNI hè privista in Corsica una adattazioni di i prugrammi à a rialitai corsa, dumandata da a cullittivai tarrituriali, dicisa da u Statu da u 94. È a storia hè, trà i disciplini, una di i più cuncirnati, è à tempu quilla chì ciò chì si pruponi pò avè i cunsiquenzi maiò. Adattazioni, ùn voli dì scrittura nova di sicuru, chì i prugrammi sò naziunali è currispondinu d'altrondi à una vista aurupea cumuna. Fenomeni cum'è u neuliticu, a prisenza greca, l'Imperu rumanu, a cristianizazioni, a Rinascita, i Lumi, eccetera, anu toccu a Corsica, a Francia cuntinintali è una bella parti di l'Europa. À tempu, adattazioni, voli dì di più cà illustrazioni, voli dì chì in la riflissioni stessa si teni contu di a storia corsa.

Ma ùn basta à dì à i prufissori di storia « adatteti i prugrammi » par ch'elli a sappiinu fà tutti faciuli. U CRDP li hà dighjà portu un aiutu maiò cù a seria « 50 ducumenti ». Và in u listessu sensu u libru di Diunisu Luciani chì esci oghji, è chì sarà utuli assai in lu insinamentu bislinguu è al dilà. Travagliu storiku di qualitai, ùn pò ripiglià tutti tutti i punti di a storia corsa, è hè purtatu à sceglia ni mumenti di primura, cunsidarati cum'è significativi o simbolichi assai ch'ellu i possi tena à menti u scularu.

Diunisu Luciani, scrittori è duttori in istoria, hè dinò un militanti indiatu, chì i sposizioni sò stati in dibattitu è à spessu criticati. Ma a capacitai l'hà di spicca issa indiatura è u so travagliu di ricerca chì rispetta i reguli di a scenza. In issu libru hà fattu da circadori ughjittivu chì dà i fatti sicuri, i situeghja in lu so cuntestu è i spieca. Hà da ghjuvà assai di sicuru à i prufissori è à u intaressu di i sculari. Ringraziemu l'autori par issu bellu travagliu.

Ghjuvan Maria Arrighi
Ispittori d'Accademia
Ispittori pidagogicu righjunali di lingua è cultura corsa

Préface

L

ES PROGRAMMES NATIONAUX *d'histoire accordent une place de plus en plus importante à l'histoire locale. Or, il existe bien sur l'histoire de la Corse plusieurs ouvrages universitaires au contenu scientifique incontestable et incontesté. Il existe aussi des ouvrages de vulgarisation très inégaux. Mais curieusement, il n'existe pas à proprement parler d'ouvrage qui retrace toute l'histoire de la Corse à destination des élèves (exception faite de l'excellent « 50 documents pour l'histoire », qui n'est pas au sens propre un livre d'histoire de la Corse mais bien des documents pédagogiques d'accompagnement).*

L'ouvrage de M. Denis Luciani comble assurément un vide, puisqu'il propose un panorama complet de l'histoire de l'« Ile de Beauté », des premières traces d'occupation humaine jusqu'à nos jours. Un panorama complet ne veut pas dire que le livre entend offrir aux élèves une étude exhaustive (et pour des scolaires forcément rébarbative !) de l'histoire corse. Il entend surtout donner de bonnes bases historiques, rigoureuses et solides sur la Corse et ses habitants, à l'aide d'illustrations plaisantes et bien choisies. Et le présent ouvrage répond parfaitement à cette volonté !

Christophe Gobert

Inspecteur pédagogique régional d'Histoire et Géographie

-80 000

L'omu in Corsica ?

-60 000

-15 000

Primi cumunità umani

-10 000

Stampi di i primi sepolturi umani (Suddacarò, donna di Bunifaziu)

-3000

Civilizzazioni di Filitosa : stantari, stazzoni torri è casteddi

-5000

-1000

Età di u Farru

A Corsica preistorica



In i tempa di i tempa



U cuntinenti corsusardu s'hè staccatu da l'Europa milioni d'anni fà, à l'epica di a diriva di i cuntinenti.

Si pensa chì l'omu sarà affaccatu à l'epica paleolitica, circa 80 000 o 60 000 anni fà, ma ùn ci hè nudda di sicuru. Forsa ch'iddu vinia da u cuntinenti talianu, à l'epica ghjacciali, quand'iddu calò u mari, mittindu l'isuli di u Tirrenu à un passu di navigazioni da a Corsica.

Nemmenu si sà da veru da duv'iddi sò affaccati più tardi i primi populazioni cunnisciuti : da l'Italia, da l'Africa o d'altri isuli...

10 000 anni fà a Corsica era un'isula cuparta di furesti da l'alti sarri à u mari, era guasi appicciata à l'isula vicina, a Sardegna.

À iss'epica chjamata mesulitica, i primi omni chì campaiani quì erani cacciadore o pescadori, stagħjiani in i sapari com'è in Curasciaghju o vicinu à u mari com'è in Bunifaziu è à a Munacia. Aviani imparatu à fà u focu è faciani l'armi zucchendu i petri.

L'animali salvatici erani numarosi : si truvaia cervi, signari è dinò un animali oghji smaritu, u prulagu o cunigliulu topu ; u mari, i fiumi è i stagni erani pieni à pesci.

À pocu à pocu, iss'omni ani amparatu à piantà è à ammansà certi animali salvatici (capri, porci, muntona...), sò duvintati agricultori è si sò aduniti in tribù accupendu tuttu u spaziu di l'Isula. Hè u cumenciu di l'epica neulitica chì principia 8 000 anni fà.





I nosci antichi, i Corsi, campaiani in paesi fatti di capanni di lignu è di petra intornu à casteddi è à turri furtificati pà difenda si da l'invasori. Cridiani in i dii di a natura, di i petri, di l'acqua è di a furesta. In Filitosa è altrò in Corsica ani zuccatu è arrizzatu stantari : sò statuli maraviddosi fatti di petra chì raprisintaiani palatini cù i so spaddi, i so stiletti. Issi sintineddi mistiriosi di i tempa landani sò tistimonii d'una civilizzazioni isulana chì teni sempri i so secreti. Si ni trova, d'issi mumenti, in l'Isula sana, ma pà u più in



lu Sartinesu, com'è a sfilarata di centu stantari è più di u Paddaghju, o piazzati à vicinu ad altri mumenti d'issi tempi landani : i stazzoni com'è in Cauria.

À iss'epica, trà 4 000 è 2 500 anni fà, a Corsica era pupulata da dodici populi di pastori è d'agricoltori chì impiaghjaiani d'inguernu è muntagnaiani d'istati. A mez'à issa ghjenti ci era stazzunaghji chì fabricaiani armi di brunzu è dopu di farru è barattaiani cù a Sardegna, l'Elba è l'Italia.



« Corsica, Sardinia Insula, Sicilia et italiae pars », da u giògraffu grecu Tulemeu.

© BNF



I dodici populi corsi in lu II^{du} seculu dopu à C.

À Punenti

- I Cervini : Da Filasorma à Cinarca
- I Tarabeni : Da Gravona à Taravu
- I Titiani : Vaddi di u Rizzanesu
- I Balatoni : Vaddi di l'Urtolu à l'Alta Rocca
- I Subasani : A Pian' d'Avretu à l'Alta Rocca

À Livanti

- I Vanacini : Capi corsu
- I Cilibesi : Casinca è Nebbiu
- I Macrini : Castagniccia
- I Licinini : Niolu, Giunsani è Balagna
- I' Opini : Vaddi di u Tavignanu
- I Simbri : Vezzani è vaddi di u Vechju
- I Cumaseni : Fium'Orbu

-800	Etruschi in Corsica
-565	Arrughjunera di i Fucesi in Alalia
-525	Battaglia d'Alalia trà Grechi, Etruschi alliati à i Punichi di Cartaghjini
-375	Spidizioni siracusana. Fundazioni di u Porti Siracusanu (Purtivechju?)
-300	Alalia cartaghjinesa
-260	Prima guerra punica trà Roma è Cartaghjini (fini à -240)
-259	Presa d'Alalia da i Rumani
-237	Annissioni di a Corsica è di a Sardegna da Roma
-236	Trattatu di paci trà i Corsi è u capi rumanu Claudius Clyceas
-231	Disfatta corsa à a Battaglia di u "campu à i Murti"
-179	Rivolta di i Corsi è di i Sardi chì sò vinti da Tiberius Gracchus
-173	Circa 7000 Corsi tumbi è 1700 fatti prighjuneri in una battaglia cù l'esercitu di Claudius Cicerius
-156	Presa è distruzzioni di Cartaghjini da i Rumani
-111	Fini di a cunquista di l'Isula cù a spidizioni di Metellus
-100	Fundazioni di Mariana da u cònsuli plebeu Marius
-81	Aleria culunia di cònsuli <i>optimate</i> Silla
-46	Ghjiliu Cesaru in Corsica
-40	A Corsica in mani à Sistu Pompeu fiddolu di Pompeius Magnus (fini à -37)
-30	Vittoria d'Actium, Octavianus Augustus Imperatori
0	Nascita di Ghjesù
395	Tiadosu sparti l'Imperu rumanu in due
406	I populi barbari di u Nordu è u Livanti europeu invadiscini l'Imperu rumanu
410	Abbottu di Roma da i Visigoti d'Alaricu
420	Abbottu d'Aleria da i Vàndali di Genserico vinuti d'Africa
456	U patriziu rumanu Ricimer sfaci in Corsica una flotta vândala di 60 navi
466	Uffensiva rumanu chì scassa i Vàndali da a Sardegna
476	Fini di l'Imperu rumanu d'Uccidenti
477	I Vàndali torrani in Corsica è in Sardegna, i veschi catolichi d'Africa sò mandati in l'isuli
534	Cunquista di a Corsica da u tinenti di Belisariu Cirillu à capu di l'esercitu bizantinu
551	U rè gotu Totila sbarca in Corsica è in Sardegna
553	A Corsica torra bizantina
600	Grigoriu Magnu s'incheta di a situazioni di a ghjesia in l'Isula è di a minaccia lungubarda
632	Macumettu pidda a Mecca : cumenciu di l'islam
650	I Lungubardi sò maestri di i costi tirreni, spidizioni in Corsica è in Sardegna ?
711	U ginirali musulmanu Taricu franca i culonni d'Erculi
754	Prumissa di dunazioni di Chersia, u Papa rivindichighja u pusessu di a Corsica
774	Carulu Magnu cunferma i pratinzioni puntificali supra l'Isula

A Corsica antica

600 n. à C. - 800 d. à C



Alalia



Alalia (Aleria) fù a prima cità corsa. Hè stata alzata da i Grechi vinuti da Fucea in Asia minori in l'annu 565 n. à C. I Fucesi, navigatori di trinca, aviani dighjà fundatu a cità di Massilia (versu u 600 n. à C.) è altri cità longu à i spondi di u Miditarraniu occidentali. À iss'epica trè putenzi si battini pà piddà a suprana marittima è cummiciali nantu à u Tirrenu : i Grechi, l'Etruschi (i Tirreni), chì staghjiani trà Tuscana è u nordu di Roma, è i Punichi di Cartaghjini in Africa.

ISSI putenzi s'ani da intuppà in Corsica in una battaglia navali maiò di punta à Alalia in lu 525 n. à C.

I Grechi a li facini à vincia ma sò ubligati à piantà a so culunizazioni. L'Etruschi è i Cartaghjinesi fermani maestri di u mari Tirrenu. A cità d'Alalia duventa un centru di scambiu di tutti i civilizationi di u Miditarraniu.

In lu 375, i Grechi di Siracusa, cità di Sicilia, creani u Portu Siracusano in a cala di Purtivechju. Longu à u IV^u seculu n. à C., suttu à u cumandu di Dionisu u tirannu di a cità, i Siracusani mandani altri spidizioni in Corsica è in lu Tirrenu contr'à l'Etruschi.

Ma a cità d'Alalia cuntuughja di sviluppà si puri ch'idda fussi duvintata pusessu cartaghjinesu. Cù Alalia, i populi corsi sò in leia è in scambiu cù i civilizationi maestri di u Miditarraniu : Etruschi, Grechi è Punichi.

- **L'Etruschi o Tirreni** : sò un populu arrughjunatu trà Toscana è Roma, è hè a prima civilizationi europea. Duminighjani u Tirrenu trà 1 000 è 500 n. à C. Pupulonia, una di cità di l'Etturia, saria stata fundata da Corsi.

- **I Grechi**, urighjinari da i cità di a penisula greca o da i costi d'Asia minori, ani suminatu culunii longu à u Miditarraniu da l'Asia minori (Fucea) à u Mari Neri (Chersonesi) fin'à u punenti miditerraniu (Cumes, Siracusa, Massilia, Neapolis...).

- **I Punichi**, populu cummircianti è navigatori, sò vinuti da u Libanu d'oghji è ani fattu culunii longu à i costi di l'occidenti : Cartaghjini hè una cità punica d'Africa di u nordu fundata in l'VIII^u seculu n. à C.

A Cunquista rumana

260 - 111 nanzi à C.



Battaglia di u campu di i Murti : imbuscata di i guerrieri corsi.

In l'annu 264 n. à C., Corsi è Sardi sò alliatu à l'Imperu cartaghinesu d'Africa. Tandu schiatta una guerra trimenda trà i dui più grandi putenzi di l'epica : a ripublica di Roma è Cartaghjini. Roma hè una putenza tarrana è pulitica, Cartaghjini una putenza cummirciali è marittima. Issa guerra zinga focu à tuttu u punenti miditerranii. Alalia hè presa è brusgiata da cima à fundu da i Rumani in l'annu 259 n. à C. In fatta fini vinci Roma. Finita issa prima guerra chjamata "punica", schiatta in Africa una rivolta di i marcinarii cartaghinesi contr'à a cità punica. A ripublica rumana ni prufitta pà impatruniscia si d'Alalia in Corsica è di i pusessi punichi in Sardegna in lu 238 n. à C.

Da tandu cumencia a guerra di cunquista di l'Isula sana da i Rumani. I Corsi aspettari i Rumani in i passaghji, in i zenni è i diruccatoghji pà assaltà li, ma i cunfronti si passari dinò in i piaghji.


Ci hè parichji tappi in stu cunflittu :

- in lu 233 n. à C., u rumanu Glisea faci a paci cù l'isulani ma u trattatu hè ricusatu da u sinatu rumanu è Glisea hè mandatu à i Corsi ;
- in lu 231 n. à C., i lighjoni di Papyrius Maso piddani a suprana à a battaglia di u Campu di i Murti ;
- in lu 176 n. à C., Corsi è Sardi sò scuffitti da Tiberius Gracchus (15 000 morti !) ;
- in lu 173 n. à C., Claudius Cicerius vinci i Corsi ind'una battaglia chì feci 7 000 morti è 1 700 prighjuneri.

L'Isula si spupulighja pà via di tutti issi guerri, l'ultima rivolta hè ammattata da u prifettu rumanu Metellu in lu 111 n. à C. : hè a fini di a cunquista rumana di l'Isula è ci hè vulsatu circa 150 anni !

A Corsica rumana

111 nanzi à C / 476 dopu à C



A Corsica rumana campa, da più à menu, cinqui seculi di paci è di prusperità. In i piaghji crescini è nascini porti è cità com'è Sagona, Mariana (fundata in 100 nanzi à Cristu da u cònsuli Mariu) è, hè capita, a capitali Aleria (anziana Alalia). L'agricultura si sviluppa in tutti i piaghji : pianura urintali, Agriati, Balagna, piana di u "fretum" (da Bunifaziu à a sarra di Cagna).


In i porti, i navi rumani għiunjehjini è partini cù robba vinuta da ignilocu in l'Imperu è al di là. A Corsica pruduci oliu d'alivi, vinu, granu, meli, petra zuccata, suvaru..., da i so mineri ni cacciani farru è piumbu ; in i stagni com'è Diana si faci l'allevu di l'ostrici. I furesti sò sfruttati è u lignu ghjova da custruiscia i battelli rumani. A Corsica hè un locu assignalatu nantu à i vii

cummirciali di l'Imperu. Uni pochi di capizzoni di a ripublika po di l'Imperu sò, pà ragħjò diversi, stati un tempu più o menu longu in l'Isula : frà tanti pudemu mintuvà u famosu Ghjulju Cesaru chì passò in lu 46 n. à C. ; Sèneca, filosuffu rumanu è pricittori di l'impiratori Neronu (I^{mu} seculu), hè statu ottu anni in isiliu in Corsica. A popolazioni di l'Isula era tandu cumposta mità di Corsi è mità di stragneri.

Da a fini di u sicondu seculu, l'impuranza ecunomica è strategjica di l'Isula pidda a falata è cumencia una ricissione ecunomica. L'impuranza dimugraffica di i cità di piaghja cala in lu IV^u seculu quand'iddi għunghjini in Corsica, da l'Africa è da l'Orienti, rilighjoni novi com'è u cristianismu.

A Corsica è l'invasi barbari in lu Miditarraniu

455 - 803



Guerrieri vándali.

In lu 395, dopu à un longu tempu di dicadenza, l'Imperu rumanu hè spartutu in due : l'Uccidenti cù Roma da capitali è l'Orienti cù Custantinopoli da capitali. Pochi anni dopu, l'Imperu d'Uccidenti pidda fundu cù l'assalti di populi barbari vinuti da Germania. Mez'à issi populi, unu, i Vándali, faci a cunquista di l'Africa rumanu. In lu 455 i Vándali assaltani à Roma è, vultendu si ni, mettini à l'abbottu a cità corsa d'Aleria. Scunfitti da i navi rumani in lu 456, i Vándali torrani in Corsica è in Sardegna pochi anni dopu. In lu 476, l'Imperu rumanu d'uccidenti ùn asisti più, a Corsica cù l'altri isuli di u punenti miditarraniu faci parti di u regnu vándalu di Cartaghjini in Africa.


In lu 533, u grandi imperatori rumanu d'Orienti, Ghjustinianu, riacquista a parti uccidintali di l'anzianu imperu. Hè u so ginirali Bilisariu chì cunduci iss'opara cù successu contr'à i Vándali in Africa è i Goti in Italia. Unu di i so tinentei, Cirillu, hè incaricatu di l'armati bizantini chì facini a cunquista di a Corsica à i stessi tempa.

A Corsica hè accolta à a Sardegna com'è pruvincia di l'Imperu d'Orienti, dipendi da l'esarcatu d'Africa. Ma u populu isulanu hè casticatu da un'ammistrazioni bizantina troppu pisia.

À pocu à pocu, trà a mità di u VII^{mu} è quidda di l'VIII^{mu}, l'Imperu di Custantinopoli, chì devi dà capu à invasori chì assaltani igniloci i so fruntieri, s'arritira da u punenti miditarraniu. À issi tempa, i Lungubardi, altru populu germanicu stabbilitu in Italia di u nordu, è i Papa di Roma si primurani di l'Isula senza avè da veru i mezi, nè l'unu nè l'altru, pà fà valè i so pratinzioni.

Di fatti i Corsi sò di più in più isulati da u cuntinenti : l'invasi, a pirataria, l'ecunumia tarrania di regni germanichi in Europa, i scambii in mari chì guasi spariscini mutani à pocu à pocu l'isuli. Da crucivii cummirciali è culturali ch'iddi erani in i tempa antichi torrani tarri sminticati chì campani richjusi annant'à iddi.

I primi tempa di u Cristianisimu




U cristianisimu hè di sicuru ghjuntu in Corsica, com'è altri cridenzi, in tempu di l'Imperu rumanu. D'altrondi duvintò rilighjoni ufficiali cù l'impiratori Custantinu in lu 313 d. à C. Ma fù quand'è a Corsica feci parti di u regnu vàndalu d'Africa, à a fini di u V^{lu} seculu, è chì u rè vàndalu Unericcu mandò in Corsica uni pochi di veschi catolichi cundannati à taddà i ligni in i furesti pà custrui battelli di guerra, chì a rilighjoni cristiana s'arradicò da veru. Issi veschi africani dipurtati (una trintina) cumincioni tandu a cristianizazioni di l'Isula.

Passata l'epica vàndala, l'Imperu bizantinu cuntinuighja l'opara di cristianizazioni chì tocca pà u più i loca di piaghja. Si custruiscini i primi catidrali paleucristiani di Mariana è Sagona à parta si da u VI^{lu} seculu ; una sola ghjesia hè mintuvata à l'internu di i tarri, hè Santa Maria di Rescamone in lu Rustinu.

Versu l'anni 590-604, u Papa Gregorius Magnus s'interesa à a sorti di a Ghjesia in l'Isula, chì quissa straziighja à organizà si è devi dà pettu à i cridenzi pagani di i populazioni di l'internu. Di pettu à i so difficultà pulitichi, Custantinopoli tralascia à pocu à pocu i pruvinci i più luntani com'è a Corsica. A cristianizazioni di l'Isula ni patisci. Da tandu, i Papa ani da pratenda di piddà in manu l'affari di l'Isula di pettu à un puteri bizantinu indibbulitu è à un regnu lungubardu aggrissivu.

In lu 754, una prumissa di dunazioni fatta in Quercy, in Francia, da Pipinu, rè francu carolingiu vincidori di i Lungubardi in Italia suprana, avaria - in tiuria - fattu di a Corsica una tarra "patrimoniu di San Petru" vali à dì pusessu di i Papa di Roma. Ma a Ghjesia di Roma ùn hà i mezi di i so pratinzioni è li tocca à circà l'appoghju militari di i rè franchi.



Ricustituzioni di u battisteru di Mariana. Jean Benoit Heron.

803	Primi assalti saracini
813	Tredici navi saracini sò distrutti in Corsica da a marina carulingia
827	I Musulmani invadiscini a Creta è a Sicilia
828	Spidizioni di u Conti di Lucca è Marchesu di Tuscana, Bunifaziu, contr'è i Saracini in Corsica, in Sardegna è in Africa.
935	Abbottu di Ghjenuva da i Musulmani d'Africa
972	L'impiantu saracinu di u Frassinetu hè disfattu da Ugu di Pruvincia
1002	Battaglia à u largu di a Corsica trà Bizantini è Saracini
1015	Invasioni di a Sardegna da Al Mudjahib, l'emiru di Denia (Spagna) è di l'isuli Baliari
1016	Vittoria pisana è ghjinuvesa contr'è Al Mudjahib Pisani è marchesi Obertenghi cumeniciani à arrughjunà si in Corsica
1073	U Papa dà i viscuвати di Corsica è di Sardegna à l'arcivescu di Pisa
1115	Spidizioni pisana è ghjinuvesa contr'è i Saracini di l'isuli Baliari
1133	Cunsacrazioni di a catidrali di a Canonica di Mariana da l'arcivescu di Pisa A Corsica hà sei viscuвати
1195	I Ghjinuvesi scassani i Pisani da Bunifaziu
1264	Għjudici di Cinarca hè elettu Conti di Corsica à Lagu Benedettu (Mariana)
1278	I Ghjinuvesi piddani u casteddu Avogari di Calvi in Balagna
1284	Disfatta pisana à a Meloria di pettu à a marina ghjinuvesa
1289	Spidizioni ghjinuvesi di Lucchettu Doria in Corsica contr'è Ghjudici di Cinarca
1297	U Papa dà i regni di Corsica è Sardegna à u Rè d'Aragona Jaime Primu dittu U Ghjustu
1300	Għjudici di Cinarca hè fattu prighjuneru à tradimentu in lu Valincu
1304	Morti di Ghjudici di Cinarca in a prighjò di Malapaga à Ghjenuva
1348	Epidemia di pesta nera
1350	Rivolta eretica di a Ghjuvannara. L'Inquisizioni hè mandata in l'Isula
1358	Rivuluzioni di u Cumunu cù Sambucucciu d'Alandu Criazioni di a Terra di u Cumunu è deditio (lascita) di u Cismonti in Ghjenuva
1380	Fundazioni di <i>lo Bastia</i> da supra à u portu Cardu
	Arrigu di a Rocca hè fattu conti di Corsica alzendu a bandera aragunesa
1401	Morti d'Arrigu della Rocca.
1407	Vincinteddu d'Istria conti di Corsica
1420	Alfonso V d'Aragona sbarca in Corsica : presa di Calvi, assedio di Bunifaziu
1421	Vincinteddu d'Istria vici rè di Corsica, viduta naziunali in Bunifaziu
1434	Morti di Vincinteddu d'Istria in Ghjenuva
1456	Spidizioni è danni di l'esercitu ghjinuvesu di Spinola in Corsica
1486	Principiu di i guerri di Ghjuvan Paulu da Leca, ultimu conti di Corsica, contr'è Ghjenuva
1488	Presa è distruzziuni di u casteddu di Cinarca da l'esercitu ghjinuvesu



Sambucucciu d'Alandu

A Corsica midiivali

800 - 1511

1490

Presa di u casteddu cinarchesu di Foci d'Ortu

1492

Fundazioni di a culunia ghjeluvesa d'Aiacciu

1501

Ultima guerra di Ghjuvan'Paulu da Leca

1502

Guerri di l'Uffiziu di San Ghjorghju contr'à Rinucciu da la Rocca

1503

Presa di Baricini è Rocca Taddata, roccaforti rucchisgiani.

Disabitazioni di i pievi ribeddi :

1511

Niolu, Alta Rocca, Celavu, Cruzini, Sia, Taravu sò sbiutati di i so abitanti
Rinucciu della Rocca hè tumbu in la sarra d'Arbiddali

L'assalti saracini

806 - 843



In l'annu 806, vinuti da a Spagna, i Mori o Saracini dani l'assaltu à l'isula di Corsica. A Sardegna campa dighjà l'attacchi d'issi guerrieri di Macumettu da i primi tempa di l'uttesimu seculu. I Saracini volini fà a cunquista di l'Isula à nomu di una rilighjoni nova nata 180 anni prima in lu disertu d'Arabia è chjamata *islam*. In l'anni dopu à l'806, l'assalti si multiplichighjani : i cità sò missi à l'abbottu, a ghjenti sò presi, purtati à luntanu po vinduti com'è schiavi.

À a dumanda di u Papa, l'impiratori Carulu Magnu manda navi è osti pà cumbatta l'impresi saracini : in l'annu 806 u conti di Ghjenova Ademaru hè tumbu à capu di l'armata cristiana ; in l'annu 807 u cunestabuli Burcatu distrughji tredici battelli saracini longu à i spondi di l'Isula ; in l'annu 813 u conti d'Ampuria vinci a marina saracina à l'isuli Baleari è libarighja 500 Corsi prighjuneri.

Uni pochi d'anni dopu, in lu 833, contani chì à u vultà da una spidizioni contr'à i Mori in l'isuli è in Africa, Bunifaziu, conti di Lucca è marchesi di Toscana, avaria custruitu u casteddu di Bunifaziu è datu u so nomu à i *Bucchi di Bunifaziu* trà Corsica è Sardegna. È puri l'assalti ùn piantani. À pocu à pocu i Corsi disabitani i cità rumani di a piaghja è si ni fughjini versu i loca difesi di più. Certi si ni scappani in Roma. Un quartieri di a cità eterna, quiddu di Portu, era pupulatu di Corsi è unu d'issi Corsi saria duvintatu Papa Furmosu.

Ma dopu à u 843 l'Imperu carolingiu smarisci è i Corsi fermani soli di pettu à l'assalti di i Saracini vinuti da a Spagna o da l'Africa. A piaghja hè abbandunata, a malaria cumencia à spargħha si annant'à i ruvini di l'anziana civilizzazioni rumana.

Tribbulati trà Islam è Cristianità

843 - 1073



U Miditerranu in lu X^{mu} seculu.

Versu l'827 i forzi musulmani ani presu pusessu di a Creta è invadiscini a Sicilia. Da chivi, à pocu à pocu, s'ani da impatrunì di l'isuli è di certi spondi di u Miditerranu. In Uccidenti, l'Imperu di Carulu Magnu s'hè scioltu è nissun succursu veni più da l'Europa. Corsica è Sardegna fermani soli à fà fronti à l'assalti saracini. Ind'issu periudu (circa due seculi) u populu corsu, com'è u populu sardu, s'hè organizatu da par iddu pà risponda à u priculu vinutu da u mari.

Hè à iss'epica scura, à i cunfini di u mitu è di a storia, chì u crunista Ghjuvanni di a Grossa (1388-1464) metti a duminazioni di i rè mori in Corsica. A ricunquista cristiana l'avaria fatta un conti rumanu, Ugu Colonna, dopu tumbattu l'ultimu rè moru Nugolonu, ricunquistindu l'Isula è cunvirtindu i Mori a u cristianismu. Altru parsunaghju d'issi cronachi hè Arrigu Bel Missè, successori è discindenti d'Ugu Colonna com'è conti di Corsica, chì saria statu assassinatu à tradimentu versu l'anni 1000, cù i so setti fiddoli

à u ponti di setti polli di Tralavetu. Daretu à issi foli ci hè a rialità di capi di guerra corsi chì ani luttatu contr'à i Saracini è chì dopu sò stati cunfruntati à u sbarcà di i putenzi cristiani di *terra ferma* (a peninsula taliana).

Issa ricunquista cristiana fù rializada dopu à l'annu 1015. À iss'epica u rè saraciu di Denia, cità di a costa livantina spagnola, è di l'isuli Baleari, Mugahib al Amari, dittu Musettu, invadì a Sardegna è forsa a Corsica. U Papa adunì tandu i marini pisani è ghjeluvesi, i marchesi Obertenghi, in una cualizioni chì vinsi à Musettu in lu mari corsosardu.

Dopu à issa vittoria, chì scaccia i Saracini da i spondi di l'isuli di u Tirrenu, Pisa, Ghjenuva è i marchesi Obertenghi si spartini i rughjona di cumandu in Corsica è in Sardegna. Pisa alza una roccaforte in Bunifaziu in a siconda mità di l'undicesimu seculo. I marchesi Obertenghi invadiscini a Corsica è piddani pusessu, pà u più, di certi loca di a parti supranaccia di l'Isula.

A Corsica pisana


1073 - 1299

In lu 1073, u Papa dà l'Isula di Corsica à u vescu di Pisa dopu à i tempa tribbulati di i Saracini. A Corsica hè sutt'à u guvernu di Pisa in lu 1091. Pisa ricumencia à cristianizìa l'Isula cù a custruzzioni di ghjesii tali à quidda di Muratu è a catidrali di a Canonica di Mariana finita in lu 1119. Clerichi è maestri tuscani sbarcani numarosi in l'Isula. Cù a cristianizazioni di l'Isula, a lingua tuscana si spaghji in Corsica, mudifichendu da più à menu u dialettu latinu parlatu tandu in l'Isula.

A Corsica hè spartuta in sei viscuvati è, à l'incirca, in 70 pievi cù ugnuna u so piuvanu pà amministrà la. Uni pochi di cità abbandunati ripiddani fiatu. A nuzioni di statu, quasi smarita dapo l'Imperu bizantinu, torra à duvintà rialità pà un territoriu chì esci da cinqui seculi d'isulamentu.

Ma Pisa ùn guverna micca di modu direttu : in fatti u puteri hè in manu à signori corsi, chjamati *Cinarchesi* - i cronachi dicini ch'iddi sariani discidenti d'Ugu Colonna - chì ricunnoscini da più à menu l'autorità pisana. In suprà più, u priculu saraciu ùn hè sparitu in tuttu : in lu 1114, Pisa è Ghjenuva mandani una spidizioni chì vinci contr'à l'isuli Baleari, piazzaforti di a pirataria saracina di u Miditarraniu.

À parta si da a fini di l'undicesimu seculo, Pisa è Ghjenuva a si lottani pà u pusessu di l'isuli di u Tirrenu : hè a guerra dichiarata trà i due cità. In lu 1195, i Ghjinuvesi a li facini à piddà u bastionu pisano di Bunifaziu. Ma Pisa manteni u so pesu in Corsica è in Sardegna cù l'appoghju di i signori corsi è di i *ghjudici* sardi. In lu 1284 Pisa hè vinta da Ghjenuva à a battaglia navali di a Meloria, è perdi a so duminazioni di u Miditarraniu. In lu 1299, li ci voli à rinuncià à tutti i so pratinsioni in Corsica.



Custruzzioni di a ghjesia pisana di Muratu.

Sinunceddu da a Rocca dittu Ghjudici di Cinarca

1213 - 1304



Ghjudici di Cinarca porghji a « bachelha », simbulu di u puteri di i conti di Corsica in faccia à a « veduta ».

U babbu d'Asinunceddu (dittu Sinunceddu) era Vuddelmu u Martoriu, signori di a Rocca, chì saria statu u bisfiddolu di *Diotaiuti u cinarchesu* vultatu da Sardegna dopu l'esiliu di a famidda di i *Cinarchesi* discidenti di Cinarcu, ghjennaru d'Arrigu Bel Missè u lighjindariu conti di Corsica. Sinunceddu da a Rocca nascì in la Rocca versu u 1213, ed era sempri ziteddu quand'u babbu fù ammazzatu da dui di i so nipoti. Dopu à issa straghji , u ghjovanu Sinunceddu si ni fughji cù a mamma, Finidora, in Cuvasina in lu 1219. Dopu si ni và in Pisa à fà u suldatu, fendo tanti è tanti provi in l'armata pisana.

Cù l'appoghju pisano, volta in Corsica è pidda u nomu di *Ghjudici di Cinarca*. Prima vindichighja u babbu tumbendu i so duì assassini, po ripidda a signuria persa di a Rocca, da Cilaccia à Bunifaziu. Da chivi à pocu à pocu s'impatrunisci di l'Isula sana, ghjuvendu si di a rivalità trà

Għjenuva è Pisa. In lu 1264 a *Veduta populari* di Lagu Benedettu, in Mariana, u faci *Conti di Corsica*.


Ma u so puteri faci nascia invidia ind'è parichji signori com'è u nibbiusgincu Ghjuvanninellu di Petraliarata. Ghjenuva ùn pò accittà a praputenza di u conti di Corsica nant' à l'Isula sana è appogħja i signori chì si sò rivultati contr' à Ghjudici. U capiguerra ghjinuvesu Lucchettu Doria manda uni pochi di spidizioni in Corsica (in u 1278, 1289...) pà scassà u conti di Corsica ma fiascani tutti.

Għjudici teni sempri capu à Ghjenuva, puru dopu à a disfatta pisana di a Meloria in lu 1284, ma hè vechju è cecu. In lu 1300, duranti l'ultima guerra, hè traditu da unu di i so fiddoli bastardi, Salinesi, chì u vendi à i Ghjinuvesi.

Għjudici si ni mori in a prightho di Malapaga in Ghjenuva, in lu 1304, à 90 anni passati.

A Ghjuvannara

-  Catidrali
-  Aleria
-  Accia
-  Nebbiu
-  Marianu
-  Sagona
-  Aiacciu



I viscuvati di Corsica.

Versu u 1350 nasci in Carbini una razza di cunfraterna rilighjosa chì pidda u nomu di Ghjuvannali, forsa pà via ch'idda s'accuddia in a ghjesia san Ghjuvan Battista di Carbini. Issu muvementu rilighjosu (a Ghjuvannara), iniziatu da frati Ristoru è da Ghjuvanni Martini, si muta in rivolta sociali è pulitica cù Arrigu è Polu, fiddoli bastardi di un signori d'Attalà.

I ribeddi volini metta suttu supra l'ordini di u mondu dichjarendu chì a prupriità privata ùn devi più asista : tutti i bè ci voli à metta li in cumunu. Cumbattini a Ghjesia di Roma è i signori cù tutti i so ricchezzi chì sò, pà iddi, un'uffesa à a suffrenza di u populu. U muvementu si sparghi in a Corsica sana. I casteddi feudali sò presi è missi à l'abbottu, i ricchezzi di i signori è di a Ghjesia sò presi è missi in cumunu.

U Papa Urbanu u Vth in Avignon, affannatu ch'iddu hè da u sviluppu d'issa setta, scumunichighja i Ghjuvannali, com'è eretichi à a rilighjoni catolica, è dicidi di mandà una cruciata in Corsica pà stirpà li.


I Ghjuvannali sò scunfti à u cunventu d'Alisgiani è po parsiguitati in tutta a Corsica da u tribunali trimendu di a Ghjesia : l'*Inquisizioni*. Sò accusati d'avè fattu purciddarii in i ghjesii, di pratichi pagani è so scompii senza piità.



L'ultimi Ghjuvannali sò cundannati è brusgiati vivi in Ghisoni. I pieni è i prigheri d'issi disgraziati ribumbaiani in i sarri : Kyrie è Christ Eleison, firmoni i noma di i du punti d'issi loca.

Sambucciu d'Alandu è a Tarra di u Cumunu

1358



Assaltu di un casteddu di Cismonti da i partighjani di Sambucciu.

In lu 1358 schiattò in a Corsica sana una rivolta pupulari cuntr'à u puteri di i signori. I casteddi funi spiantati, i signori è tutti i soi funi stirpati. U populu pidda com'è capimachja un paisanu d'Alandu : *Sambucciu*.

Ma in Pumonti i Cinarchesi riagiscini è riescini à ripiddà a suprana. Tandu Sambucciu è i so paisani di u *di quò dei monti chjamani* a ripublica di Ghjenuva pà francà si da i Cinarchesi. Ghjenuva apprufitta di a situazioni : cù a *deditio* di u 1358, i cumunità cismuntinchi arricunnoscini a suvranità di i cumuni di Ghjenuva ed hè iniziatu un sistema puliticu novu : *A tarra di u cumunu*.

U populu di i pievi cismuntinchi eleghji i so raprisintanti : i *capurali* chì rigulighjani a vita di i pievi è chì intarvenini pressu à i Cumuni di Ghjenuva pà difenda l'intaressi di i cumunità. A *Tarra di u Cumunu* hè quidda di u Cismonti fora di u Capicorsu.

A Tarra di i Signori - o statu cinarchesu - hè quidda di u Pumonti, da Calvi à a Sulinzara cù u Niolu. Culà ferma u puteri di i signori di guerra cinarchesi.

Issa spartera pulitica di l'Isula firmarà impressa in a storia di a Corsica pà i seculi à vena.

Puri dopu à u 1358 i capi cinarchesi francesi i monti pà fà si ricunnoscia conti di Corsica (jà Lagu Benedettu in a pianura di Mariana pà u più o à a bucca à u Pratu). È i ligami di parintedda o di vassalità sò stretti trà famiddi capurali è famiddi cinarchesi.

I conti di Corsica dopu u 1358

Arrigu da a Rocca 1372-1401

Vincintellu d'Istria 1407-1434

Paulu da a Rocca 1436?

Ghjuvan Paulu da Leca 1487-1515.

Vincinteddu d'Istria Vicirè di Corsica

1404 - 1434



I simboli di Vincinteddu d'Istria :
a « bachetta » è u grifonu aragunesu.

I signori *cinarchesi* ùn accettani micca a prisenza ghjinuvesa in Cismonti è i pratinzioni di a cità lìguri. U più impurtanti di quissi, Arrigu da la Rocca hè elettu conti di Corsica versu u 1372 alzendu a bandera di u rè d'Aragona. In fatti, à partà si da u 1297 u Papa, cunsidaratu *de jure* com'è u suvrano in titulu di l'Isula, hà datu i regni di Corsica è di Sardegna à u rè d'Aragona. Ed hè cusì chì Arrigu da a Rocca ricevi l'appoghju di u regnu aragunesu di Spagna.

Mortu Arrigu, in lu 1401, un antru *cinarchesu* pidda u seguitu d'issu partitu : hè Vincinteddu d'Istria. À quandu elettu conti di Corsica, faci a cunquista di l'Isula sana in lu 1419, cù l'aiutu di a flotta di u rè d'Aragona Alfonsu u VI^u. A Citatella di Calvi hè presa in lu 1420 è po Vincinteddu è Alfonsu V mandani a so flotta davanti à Bunifaziu.

A citatella arrisisti à circa ottu mesi d'assedio. Si dici chì pà piddà a cità i suldati aragunesi zucconi i 137 scaleddi in a rocca calcaria in una nuttata sola. Ma à u sbuccà in cima, una donna bunifazinca, Margarita Bobbia avirtì l'omini in armi di Bunifaziu è l'assaltu arragunesu fù impiditu.

U Vicirè Vincinteddu, malgradu issu fiascu, teni parlamentu davanti à Bunifaziu è assicurighja u so puteri custruindu u casteddu di Corti.

Ma dopu à uni pochi d'anni u populu hè scuntenti di u so guvernu chì crescini l'impositi pà via di i guerri novi : Cismonti è Pumonti si rivoltani. À Vincinteddu li tocca à scappà. In fatta fini chì hè fattu prighjuneru da i Ghjinuvesi dopu à una battaglia in Sardegna è, in lu 1434, hè capimuzzatu in piazza publica in Ghjenuva.

L'ultimi Cinarchesi, Ghjuvan Paulu da Leca è Rinucciu da la Rocca. 1462-1511

Mortu Vincinteddu d'Istria, ripiddani i guerri trà signori cinarchesi, capurali è Ghjinuvesi. A Corsica passa in lu 1460 sutt'à a duminazioni tiorica di i duca di Milau, po dopu a ripublica ghjinuvesa in bancarrotta cedi i so pusessi di l'Isula à una banca : l'Uffiziu di San Ghjorghju. In lu 1486, l'Uffiziu cumencia una guerra spiitata contr'à i signori cinarchesi. I Ghjinuvesi a si cacciani prima cù u conti di Corsica, Ghjuvan Paulu di Leca, aiutati ch'iddi sò da u so numicu cinarchesu Rinucciu da a Rocca. In lu 1487, u casteddu di Cinarca hè presu da duimila soldati ghjinuvesi aiutati da l'artigliaria. In lu 1490, a roccaforte innalpillata di i Leca, Foci d'Ortu, casca in manu à i Ghjinuvesi è à i so alliati. Dopu à quindici anni di guerra, Ghjuvan Paulu di Leca parti in isiliu in Roma.

L'Uffiziu si volta tandu versu u so anzianu alliatu cinarchesu : Rinucciu da a Rocca. A guerra schiatta in lu 1502 : u casteddu maestru di Rinucciu, Rocca Taddata in i furchi di Bavedda, hè presu in lu 1503. Rinucciu dopu à trè altri guerri (1504, 1507, 1511) hè tumbu in a sarrà d'Arbiddali in lu 1511. Cù iddu si compii a storia di i Cinarchesi è quidda di u medieu.

Parichji rughjoni di Corsica sò dissanguinati dopu à issi guerri : a Rocca, a Cinarca, u Sorru, u Falasormincu, u Niolu... I paesi sò brusgiati, i popolazioni scompii o dipurtati, i pievi sò sbiutati, vittimi di a tarribuli pulitica ghjinuvesa di disabitazione.



1530	Fundazioni di Sartè
1540	Fundazioni di Purtivechju (<i>Ventimiglia la nuova</i>)
1553	Prima guerra di Samperu : Turchi è Francesi sbarcani in Bastia Presa di Bunifaziu da a cualizioni
1556	Assedi di Calvi Vittoria di Samperu in Tenda
1559	Fini di a prima guerra di Samperu : a Corsica torra ghjinuvesa
1562	Viaghju di Samperu in Algeri è a Custantinopoli
1564	Siconda guerra di Samperu Vittoria corsa in Golu Samperu pidda à Purtivechju
1567	Morti di Samperu
1569	Fini di a guerra, Alfonsu d'Ornano s'imbarca pà a Francia Iniziu di a riforma tridintina in Corsica cù u vescu Lisandru Sauli
1580	Assaltu di Sartè da i Turchi di Barbaria è di u rè d'Algeri Assanu Veneziano
1620	Fini di u programma di custruzzioni di i turri liturali
1684	Ghjenuva hè bumbardata da a marina di u rè di Francia



I tempa muderni

Samperu Corsu

1498 - 1567

Samperu hè natu in Bastelica in lu 1498. Lascia a so tarra à l'età di quindici anni pà duvintà un suldatu di valori à u sirvizi di Ghjuvanni di i Medici in Fiurenza. Samperu si acquista nomina in l'Europa sana com'è un cunduttieri di prima trinca è passa à u sirvizi di parichji principi auruepi, chì à mezu ci hà da essa Francescu u Prima, rè di Francia.

In lu 1553, Samperu hè à sirvizi di u rè di Francia quand'iddu sbarca in Bastia à u capu d'una schera corsa rinfurzata da a marina turca cumandata da Dragut è da l'armata francesa di u Marescialu de Thermes. U scopu, pà Samperu, hè di libarà l'Isula da a duminazioni ghjinuvesa ; pà i Francesi hè d'attaccà à Ghjenuva alliata di u rè di Spagna.

A cunquista di l'Isula sana hè compia da issa cualizioni, fora di Calvi ch'arrisisti duvintendu cusì pà Ghjenuva a cità "semper fidelis". U grandi Amiralii ghjinuvesu Andria Doria contrattacca ma Samperu vinci una battaglia trimenda à a Bucca di Tenda, in un scontru cù l'armata spagnola. In lu 1559 u trattatu di paci di Cateau Cambrésis rendi a Corsica à Ghjenuva. Samperu si senti traditu è si prumetti di cuntinuvà a lutta è d'essa "piuttostu turcu cà ghjinuvesu".

In lu 1562, à u vultà da un viaghju in Urienti, Samperu tumba a so ghjovana moglia, Vannina d'Ornano, ch'avia circatu di scappà si ni in Ghjenuva.

In lu 1564, Samperu sbarca in lu Valincu pà una siconda guerra di libarazioni contr'à Ghjenuva. Vinci l'armata ghjinuvesa in a pievi di Caccia è po pidda à Portivechju : hè maestru di a Corsica paisana. Ma Ghjenuva riagisci : manda u



capitanu Stefanu Doria chì sbarca in Corsica cù truppi numarosi è chì, pà indibbuliscia u sostegnu pupulari à Samperu, brusgia trentasetti paesi.

In fatta fini chì, in lu 1567, Samperu hè assassinatu à tradimentu in Eccica Suareda da i marcinarii ghjinuvesi è da trè frateddi d'Ornano, cugini di a so moglia Vannina. U fiddolu Alfonsu cuntinuighja a lutta fin'à u 1569 po si ni parti in Francia.

I Turchi di Barbaria



Andrea Doria, grandi amirali ghjinuvesu (1466-1560).

À parta si da u 1511, a Corsica hè sutt'à l'autorità ghjinuvesa di l'Uffiziu di San Ghjorghju. Iss'uffiziu metti in anda una pulitica capitalista è culuniali di missa in valori di l'Isula. Ma i tempa di guerra ùn sò finiti, è un antru priculu trimendum affacca à parta si da i principii di u sidicesimu seculu : i Turchi di Barbaria.

Partindu da l'Africa di u nordu, i *Turchi o Mori* assaltani i piaghji di u mondu cristianu par seculi è seculi. A Corsica hè una di i so predi ma u scopu ùn hè micca a cunquista d'un territoriu : i Turchi sbarcani da i so battelli pà metta à l'abbottu paesi è cità, piddà a ghjenti è purtà li in i cità d'Africa di u nordu da venda li com'è schiavi.

Pà i Cristiani in schiavitù a cundizioni hè pessima ; pà francà si la è ritruvà a so libartà, li tocca à pagà u *riscattu*. D'altri, pà forza o pà amori,

sceddini di cunverta si à a riligioni musulmana è sò chjamati tandu *rinigati* da i Cristiani. Uni pochi di quissi s'ani da fà cunnoscia com'è cursari barbareschi è, frà quissi, pudemu mintuvà u famosu Assanu Corsu, natu in Tavera, prighjuneru po schiavu in Custantinopoli è in Algeri, duvintatu dopu rè d'issa cità. À u sidicesimu seculu ci era à l'incirca seimila corsi in Algeri.

Da prutegħha l'Isula è i populazioni da l'assalti barbareschi, l'Uffiziu di San Ghjorghju faci alzà una cintinaia di turri da curà i spondi di l'Isula. Ma ùn bastarà par fà piantà in tuttu l'assalti ; quissi sò trimendi à u sidicesimu è à principiu di u diciassottesimu seculu ma vani à sminuiscia dopu. I cunsiguenzi sò maiò pà i loca piaghjinchi tocchi dinò da a malaria o *disabilitati* pà via di i guerri cinarchesi. Certi loca sò abbandunati, i Corsi s'accoddini in i paesi muntagnoli.

A Corsica ghjinuvesa

Finiti i guerri di Samperu, a Corsica campa pà un seculu è mezu l'ordini ghjinuvesu. U puteri hè in manu à un guvernatori mandatu da u Sinatu di a ripublica ghjinuvesa in Corsica è stabbilitu in Bastia.

In i cità di a piaghja (Bastia, Bunifaziu, Aiacciu, Calvi...), campani i populazioni d'urigena lìguri. Trà Corsi è citatini ghjinuvesi, ùn hè micca listessa a legi è i Corsi sò accittati pocu è micca drintu à i muri di i *prasidii* ghjinuvesi. U populu corsu hè raprisintatu da i *Nobuli Dodici* davanti à u guvirovato è u Sinatu ghjinuvesu. In più di i citatelli litturali, Ghjenuva hà in mani i turri è i casteddi chì si trovani longu à i costi di l'Isula. U sinatu ghjinuvesu hà presu u seguitu di l'Uffizi di San Ghjorghju in lu 1562. Ind'issu periudu ghjinuvesu si sviluppani i castagneti è l'aliveti, sò custruiti parichji ponti è stradi. I furesti sò sfruttati è u lignu ghjova da custrùi battelli in l'arsanali di Liguria o in altrò.

Dopu à u 1569, si metti in anda a riforma di a ghjesia ditta "tridentina" cù l'azzioni di u vescu Munsignori Sauli. Si custruiscini parichji ghjesii è catidrali di modu baroccu, pà u più in a parti cismuntinca. À listessi tempa si creani parichji cunventi, franciscani, duminicani o altri, duva i ghjovani corsi studiani pà duvintà clerichi. Sò iddi chì ani da furmà una classa d'intillittuali corsi. Hè cusì ch'iddu nasci à pocu à pocu u sintimu naziunali, chì hà da crescia è hà da sbuccà à nant'à a rivuluzioni di u 1729.





Ponti ghjinuvesu.

GASPARD

1725	U 6 d'aprili nascita di Pasquali Paoli
1729	Principiu di a rivolta naziunali corsa
1730	U 30 di ghjinnaghju : abbottu di Bastia da i paisani
1731	U 22 di dicembri Ceccaldi è Giafferi sò eletti capinaziunali in Biguglia
1732	U 4 di marzu : adunita di dodici teòlughji corsi à u cunventu d'Orezza
1735	Intarventu militaru austriacu
1736	L'8 di ghjinnaghju : l'indipindenza di a Corsica hè pruclamata à a consulta d'Orezza
1738	U 14 d'aprili Tiadoru hè fattu rè di Corsica da a consulta di l'Alisgiani
1739	Intarventu francesu : prima vittoria naziunali corsa di u Borgu i 14-18 di dicembri
1741	I capi di a nazioni s'imbarcani pà l'esiliu à a Padulella
1743	L'esercitu francesu si ni và
1745	Gaffori è Matra capinaziunali corsi
1751	I Naziunali aiutati da a marina inglesa piddani à Bastia è San Fiurenzu
1753	Ghjuvan Petru Gaffori hè elettu Ginirali di a Nazioni
1755	U 2 d'uttrovi Ghj. P. Gaffori hè assassinatu à tradimentu
1757	Paoli hè elettu Ginirali di a nazioni u 14 di luddu
1763	Fini di a guerra civili. Mariu Manueddu Matra hè tombu in Boziu
1765	Vittoria naziunali corsa in Furiani
1767	Fundazioni di l'Università di Corsica
1768	U 31 di maghju presa di l'isula di Capraia
1769	U 10 d'uttrovi vittoria corsa di u Borgu : 600 prighjuneri francesi. U marchesu Chauvelin hè rimpiazzatu da u conti de Vaux à capu di l'esercitu francesu
1774	D'aprili 35 000 suldati francesi sbarcani in Corsica
1789	U 9 di maghju battaglia di Ponti Novu : disfatta di i Naziunali
1790	U 13 di ghjugnu Paoli s'imbarca in Purtivechju : fini di l'indipindenza di a Corsica
1793	Rivolta è ripressioni di u Niolu
1794	Rivuluzioni francesa
	U 17 di luddu ritornu di u Babbu di a Patria
	Di farraghju : fiascu di a spidizioni francesa in Sardegna
	U 27 di maghju : rumpitura di Paoli cù a Francia ; pruclama di l'indipindenza
	L'11 di ghjugnu : Napulioni è a so famidda si ni fughjini in Tulò
	U 22 di maghju : presa di Bastia ; u 4 d'austu Calvi s'arrendi à l'amirali inglesu Nelson
	U 21 di ghjugnu : cumenciu di u Regnu corsoinglesu : Sir Gilbert Elliot hè vicirè di Corsica



A Rivuluzioni corsa

1795

U 14 uttrovi sicondu esiliu di Paoli chì s'imbarca à San Fiurenzu

1796

U 25 d'uttrovi l'Inglesi lasciani a Corsica

1799

Colpu di statu di Napuliò chì pidda u puteri in Francia

1808

Dipurtazioni di a populazioni maschili d'Isulacciu di Fium'Orbu

1817

Rivolta di u Fium'Orbu

A lutta di libarazioni naziunali



Tiadoru di Neuhoff sbarca in Aleria di marzu di u 1736.

In lu 1729, una rivolta schiatta in Boziu contr'à l'upprissioni fiscali ghjinuvesa è si spaghji in tuttu u Cismonti po in Pumonti. I paisani scalani da i so muntagni è mettini à Bastia à l'abbottu di ghjinnaghju 1730. Di pettu à l'attitutini di u Sinatu di Ghjenuva, chì ùn voli senta nudda, issa mossu pupulari duventa più pulitica : i Corsi eleghjini dui capi naziunali, Ceccaldi è Giafferi. Ghjenuva chjama tandu truppi stragneri pà ammattà a rivolta di i Corsi : prima sò austriachi, po dopu prussiani è po francesi. Di marzu 1731, dodici teòlughji corsi aduniti in una cunsulta à u cunventu d'Orezza dichjarani a Corsica libara da Ghjenuva è brusgiani i scritti di legi ghjinuvesi. I Corsi dichjarani l'indipendenza l'8 di ghjinnaghju di u 1735 è sceddini di metta u regnu di Corsica sutt'à a prutizzoni di l'*Immaculata Cuncizzioni*. Hè tandu ch'iddu saria statu sceltu u Diu Vi Salvi Regina da innu naziunali .

D'aprili 1736, à a cunsulta d'Alisgiani, i raprisintenti di a nazioni, à l'iniziativa di l'avvucatu Bastianu Costa, eleghjini un baronu

tidescu, Tiadoru di Neuhoff, rè di Corsica. Tiadoru u prima sceddi à Cervioni da capitali è faci batta muneta.

In l'annu 1738, i Ghjinuvesi dumandani l'aiutu di u rè di Francia chì manda un corpu spidiziunaru di circa 12 000 soldati. Malgradu qualchì successu, i capi di a nazioni corsa sò custretti à l'esiliu in lu 1739. Ma pocu dopu u bisbigliu nasci trà Ghjinuvesi è capi di l'armata francesa chì, nici nicionu, circani d'impatruniscia si di l'Isula à contu soiu.

In lu 1741, i Francesi si ni vani è voltani i naziunali cù capipopuli novi : Ghjuvan Petru Gaffori, Matra, Rivarola è Antonu Colonna. Tandu a lutta trà Ghjenuva è a nazioni corsa pidda una dimisioni internaziunali. In l'annu 1745 i naziunali di Gaffori, aiutati da a flotta inglese, s'impatruniscini di Bastia è di San Fiorenzu.

In lu 1751, Ghjuvan Petru Gaffori hè elettu ginirali di a nazioni. Pidda d'assaltu a citatella di Corti ma hè tumbu à tradimentu da i Ghjinuvesi u 2 d'uttrovi di u 1753.

Pasquali Paoli



Dopu à l'assassiniu di Gaffori, à i raprisintenti di a nazioni corsa li tocca à scedda un altru capu : u 14 di luddu di u 1755, a cunsulta di Sant'Antone di a Casabianca eleghji à Pasquali Paoli Ginirali di a nazioni corsa.

Pasquali hè u fiddolu d'un altru eroi di a nazioni corsa, Ghjacintu. Natu in lu 1725 in Merusaglia, u ghjovanu Paoli suveta u babbu in isiliu in lu 1739. Faci carriera in un rigimentu corsu di Napuli è faci i so studii à l'Università di Napuli sutt'à a dirizzioni di u filòsuffu Genovesi. Pasquali Paoli duventa un *illuministu*.

Quand'è Paoli hè elettu capinaziunali, li tocca prima à batta si contru à un altru capipopulu, elettu cù u stessu titulu da un'altra cunsulta : Mariu Manueddu Matra, u cugnatu di Gaffori. Dopu à duì anni di guerra, Matra hè scunfittu è tumbu in lu 1757. Paoli pò cumincià à metta in sesta i stituzioni di a Corsica indipindenti.

Paoli dicidi di fà di a Corsica u primu statu dimocraticu mudernu cù l'alizzioni di i raprisintenti

di u populu à u votu *universalis*, è ancu i donni ponni vutà à certi alizzioni.

- Crea una marina di guerra è di cummerciu è, pà dà pettu à i Ghjinuvesi chì tenini i citatelli, custruisci a cità è u portu di Lisula in Balagna.
- Sviluppa u cummerciu è i rilazioni intarnaziunali (rilazioni cù a Tunisia),

- Corti duventa capitali è u guvernu si stabbilisci à u Palazzu Naziunali,
- Faci una muneta corsa, a zecca, battuta in Muratu po in Corti,
- Sceddi di modu ufficiali a testa di u Moru com'è bandera naziunali in lu 1762,
- Crea a prima università in Corti in lu 1765,
- Crea un tribunali spiciali, a Rota civili, pà luttà contr'à a vindetta.

L'opara di Paoli hè rinumata in l'Europa sana è ancu in altrò ; li portani rispettu è ammirazioni parechji filòsuffi - com'è Rousseau, Voltaire - , scrittori - com'è Boswell - è ancu capistati tali à Catalina di Russia.

Ponti Novu l'8 di magħju di u 1769

42

In lu 1767 Paoli dicidi di fà la finita cù ciò chì ferma di prisenza ghjinuvesa in l'Isula. Battuti ch'iddi sò nantu à u pianu militari, i Ghjinuvesi ùn tenini più cà i citatelli di Bastia, Aiacciu, Bunifaziu, San Fiorenzu è Calvi, prutetti ch'iddi sò da l'armati di u rè di Francia. Di farraghju 1767, a marina corsa cumandata da Achilli Murati attacca l'isula di Capraia. Dopu à centu ghjorni d'assediu, u casteddu di l'Isula s'arrendi u 31 di magħju di u 1767. Issa scunfitta navalı dicidi u sinatu di Ghjenuva à lintà a Corsica. Ghjenuva ziffra cù a Francia, di magħju 1768, u



trattatu di Versailles duv'a Serenissima Republica di Ghjenuva cedi i so pratesi dritti nant' à l'Isula à u rè di Francia.

"Vinduti com'è pecuri... Ùn si sà quiddu chì vi dà di più odiu, quiddu chì vi vendi o quiddu chì vi compra" : sò i paroli stessi di Paoli dopu à issu trattatu vargugnosu. Paoli cunvuchighja a Cunsulta naziunalı chì dichjara a guerra è a mubbilizzazioni ginarali. U poplu corsu, omini è donni, arrispondi cù fedi è ardori à a chjama di a nazioni.



D'utrovi 1768, i 15 000 suldati francesi sbarcati cù u marchesu Chauvelin sò disfatti in lu Borgu da l'armata naziunali corsa.

In lu 1769, Choiseul, u ministru di u rè di Francia manda 35 000 omini cumandati da u ginirali de Vaux. U scontru finali si faci in Ponti Novu l'8 è u 9 di maghju di u 1769. I valurosi suldati corsi casciani difindindu a libartà di a Patria. Dopu à issu scumpientu Pasquali Paoli imbarca pà l'Inghilterra, u 13 di ghjunghju di u 1769 in Purtivechju.

Compii l'indipindenza corsa ma a luttu micca . Uni pochi di patriotti dicidini di risista à l'uccupazioni francesa : sò Pace Maria Falconetti, Zampaglinu è un preti dittu Circinellu chì faci ghjurà à i so paisani di Guagnu di cuntinuà a luttu. "Prei ghjustizia", u so cugnomu, morsi ribeddu *cippu in mani* è *cruci in pettu* ind'unu scontru cù i Francesi pochi anni dopu. A ripressioni hè cuntinua è tarribuli com'è in lu 1774 in Niolu quandu, dopu à una rivolta, undici omini sò cundannati à u cunventu di Calacuccia, straziati è impiccati.

U ritornu di u Babbu di a Patria

In lu 1789 schiatta a *rivoluzioni francesa* ; pà certi rivuluziunarii francesi com'è *Mirabeau* è *Robespierre*, Paoli hè quiddu chì hà iniziatu a mossu dimocratika in Europa. U Babbu di a Patria volta da u so isiliu d'Inghilterra ed hè ricivutu da u rè di Francia è da l'assemblea naziunali francesa. Paoli volta in Corsica è u populu corsu veni a riceva lu cù fervori in Macinaghju in lu 1790. Hè elettu prresidenti di u Cunsiglio ginarali è cumandanti di a Vardia Naziunali. À fianc'à iddu si trovani *Carlu Andria Pozzo di Borgo* è u ghjovanu *Napulionu Buonaparte*.

Ma à pocu à pocu, Paoli si stacca da a rivuluzioni francesa. L'esecuzioni di u rè, a pulitica di u Tarrori sò cuntrarii à l'idei tullarenti di u Babbu di a Patria. Dopu à u fiascu d'una spidizioni militara in Sardegna, uni pochi di capimachja ambiziozi (*Arena*, *Saliceti...*), ani da cumplittà contr'à Paoli. Missu in accusu da a *Cunvinzioni* u 2 d'aprili di u 1793, Paoli cunvuchighja una cunsulta chì dicidi di rumpa i rilazioni cù a Francia. L'indipendenza hè torna pruclamata, Paoli chjama a flotta inglesa di Nelson pà aiutà lu à piddà à Calvi, à Bastia, è à San Fiorenzu.

A Corsica duventa un regnu corsoinglesu. U Vicerè di Corsica hè *Sir Gilbert Elliot*. Paoli, scuntentu da issa scelta, s'upponi à a pulitica di u guvernu corsoinglesu. Ma invichjatu è stancu da i numicizii trà partiti, hè custrettu pà l'ultima volta à l'isiliu in Inghilterra d'utrovi 1795.

Londra, davanti à i difficultà di u puteri inglesu in Corsica, dicidi di lascià cascà a Corsica. Da l'Italia, u ginirali di l'esercitu francesu vincitori Napulionu Buonaparte, ch'era fugħiġi ta' Corsica cù tutta a so famidda u 10 di għiġugni di u 1793, manda un'armata francesa cumandata da u ginirali *Gentili* chì s'impatrunisci di l'Isula sana senza cumbatta di nuvembri 1796.



1830	Presa d'Algeri da i Francesi
1848	Luiggi Napulionu hè elettu prisetenti di a ripublica francesa
1852	Luiggi Nupulionu duventa Napulionu u III ^u , Impiratori di a Francia
1860	Viaghju in Corsica di Napulionu u III ^u
1870	Disfatta francesa di Sedan, isiliu di l'imperatori Napulionu u III^u
1880	I republicani francesi si scatenani contr'à a Corsica
1896	Nascita di a rivista in lingua corsa <i>a Tramuntana</i>
1914	Prima Guerra mundiali : 48 000 Corsi sò mubbilizati
1918	Fini di a guerra : più di 12 000 Corsi sò cascati à u focu
1920	Nascita di u Partitu Corsu d'Azzioni
1938	Rivindicazioni di Mussolini nant'à a Corsica
1939	Siconda Guerra mundiali
1943	Insurizzioni di a resistenza corsa u 9 di sittembre
1945	Fini di a Siconda Guerra mundiali
1962	Sculunizazioni di l'Algeria : 12 000 <i>Pedi neri</i> scalani in Corsica
1964	Nascita di i primi muvimenti righjunalisti
1973	L'affari di <i>i Fanghi russi</i> : affaccani i primi muvimenti clandestini
1975	U 22 d'Austu : straghji d'Aleria, Edimondu Simeoni incarciaratu
1976	Azzuffi è fucilati in Bastia dopu à u sciuddimentu di l'ARC
1980	5 di maghju : nascita di u Fronti di Libarazioni Naziunali di a Corsica
1981	L'affari Bastelica-Fesch
1982	Apartura di l'Università di Corsica
1984	Tregua è amnistia pà i prighjuneri pulitichi corsi
1985	Statutu particulari pà a Corsica. Prima assemblea di Corsica
1986	800 attintati, u prifettu Broussard scala in Corsica pà luttà contr'à u FLNC
1988	Assaltu di a prighjò d'Aiacciu da una squatra di u FLNC pà vindicà à Guidu Orsoni
1989	Criazioni di u muvimenti contranaziunalistu di a <i>Corse Française et Républicaine</i> (CFR)
1990	Siconda tregua di u FLNC
1992	Pasqua ministru di l'Internu : guerra tutali contrà i « tarruristi » di u FLNC
1993	Tregua nova di u FLNC : principiu di i niguziati cù u Statu
1994	Muvimentu suciali in a Corsica sana
1995	Novu statutu di a Corsica dittu <i>Statut Joxe</i>
1996	U muvimentu naziunalistu si sfaci in due trà MPA è Cuncolta, FLNC Abituali è Storicu
1997	Straghji di u stadiu di Furiani : 20 morti 2 000 firiti

- 1993 Guerra trà i muvimenti naziunalisti clandestini : 15 morti
- 1996
- 1998 Assassiniu di u Prifettu Erignac
- 1999 U Prifettu Bonnet in prighjò dopu à l'affari di i *paillettes*
- Accordi di paci di u Fium'Orbu trà i muvimenti naziunalisti
- 2002 Accordi di Matignon trà u guvernu Jospin è l'Assemblea di Corsica
- 2003 Arrestazioni d'Ivanu Colonna, innò à u riferendu pà una cullittività unica
- 2005 Presa di un batellu di a SNCM, u *Pasquali Paoli*, da i sindicalisti di u STC
- 2007 Pruccu Colonna
- 2008 Uccupazioni è incendiu à l'Assemblea di Corsica dopu à a manifestazioni naziunista
- 2009 Sicondu pruccu Colonna, mubbilizzazioni è azzuffi in a Corsica sana
- 2010 Alizzioni tarrituriali : i listi naziunalisti ani 38% di voti
- 2012 Assassiniu di l'avvucatu Antonu Sullacaro è di u Prresidenti di a Camara di Cummerciu di Corsica suttana
- 2013 Votu di l'assemblée di Corsica pà u bislinguismu è pà scriva a Corsica in a costituzioni
- 2014 D'aprili votu di u Statutu di Risidenti
Di luddu u FLNC annuncia a fini di a lotta armata



A Corsica francesa

Napuliò



Napulionu Buonaparte hè natu in Aiacciu u 15 d'Astu di u 1769. Era u fiddolu di Carlu Buonaparte chì feci parti di u guvernu di Paoli ma chì s'era missu à sirvizi di i Francesi dop'à Ponti Novu. Avendu fattu i scoli d'ufficiali in Francia, u ghjovanu Napulionu era un ammiratori di Paoli è un patriottu sinceru quand'idda schiattò a rivuluzioni francesa.

Attori di u ritornu di u Babbu di a Patria, u tinenti Buonaparte si spicca d'iddu quand'è Paoli rumpi i rilazioni cù a Francia. A casa materna di i Buonaparte hè missa à l'abbottu da i partigiani di l'indipendenza, è Napulionu cù tutta a so famidda si ni fughji in Francia in lu 1793. In lu 1796, duvintatu ginirali, Napulionu Buonaparte trionfa in Italia è manda in Corsica u ginirali Gentili pà occupà l'Isula cù l'ordini di fà ni "una tarra francesa una volta pà sempri".

Ma i Corsi ùn l'intendini cusì : schiattani prestu i rivolti, com'è quidda di a Crucetta in lu 1798, chì hè ammattata da una ripressioni trimenda firmata in a memoria cullittiva sutt'à u nomu di francisata. In lu 1799 Napulionu pidda u puteri in Francia è metti l'Isula sutt'à un'amministrazione militara. I prifetti Morand è Miot ani tutti i puteri, a ripressioni hè cuntinua. In lu 1808 a populazioni maschili d'Isulacci di Fium'Orbu hè mandata à u bagnu di Tulò.

In lu 1815, battutu ch'iddu fù Napulionu, a so statula hè lampata in mari in Aiacciu. Schiatta una rivolta in Fium'Orbu in lu 1816 : l'esercitu francesu scunfittu tratta cù u cumandanti Poli, capimachja di l'insurizzioni. Un tempu di paci cumencia.



Napulionu u Terzu.

Dopu à u 1816, a Corsica suveta da luntanu i scambiamenti è i rivuluzioni di a Francia ma in lu 1848 hè un nipoti di Napulionu u Prima chì hè elettu prresidenti di a nova ripublica francesa. In lu 1851, fecci un colpu di statu. In lu 1852, pruclamò l'Impreru è piddò u nomu di Napulionu u Terzu. À l'incontrariu di u ziu, Napulionu u Terzu si hà da intarissà à l'Isula : custruisci parichji munumenti à a gloria di l'impiratori è di a so famidda, sviluppa l'ecunumia cù a custruzzioni di u caminu di farru, di i stradoni. L'Isula campa un tempu di prusparità : a populazioni cresci, i cità com'è Aiacciu imbiddiscini.

In lu 1870, Napulionu u terzu, scunfittu in Sedan, parti in isiliu ; i Ripublicani chì piddani u puteri tandu cunsidarighjani a Corsica com'è a *tarra di i tiranni*, vali à dì di a famidda Bonaparte. Si sfoga u disprezzu contr'à i Corsi. Hè tandu ch'iddu si sviluppa u puteri di u "clanisimu alitturali"

cù un omu : Manueddu Arène. I capi pulitichi distribuiscini l'impieghi, i pazzi in Corsica è in i culunii par avè una clientela d'alittori. Par via ch'idda ùn si sviluppa l'ecunumia, a Corsica duventa un tarrioriu "assistitu".

Finu à a mità di u dicianuvesimu seculu, a lingua scritta in Corsica ferma u talianu. A Francia hè da metta in anda una pulitica di francisazioni furzata, prima pà scassà u talianu com'è lingua ufficiali è intillittuali di l'Isula, po dopu pà cumbatta a lingua parlata usata tandu da u populu : a lingua corsa.

Di pettu à issa pulitica nasci u prima ghjornali in lingua corsa, *A Tramuntana*, opara di Santu Casanova chì voli difenda a lingua nustrali è cumbatta l'eletti clanisti.

À i fini di u dicianuvesimu seculu, a Corsica hè 300 000 abitanti. Uttanta par centu di quissi campani in i paesi muntagnoli.


Vindetta è banditisimu

Da sempri i Corsi ùn ani ricunisciutu i legi di i putenzi stranieri. Longu à i seculi, l'instabbilità pulitica è i guerri ani fattu chì monda ghjenti ani sempri campatu for' di legi. U "banditisimu" hè mintuvatu da l'epica ghjinuvesa quand'i a ghjenti piddani a machja pà mutivi pulitichi o pà affari d'onori ma dinò pà mutivi menu nobuli.

À u diciasettesimu seculu si cuntaia circa 900 umicidii o provi d'umicidiu à l'annu in l'Isula sana ! Una causa maiò di a vindetta era u *rimbeccu* : un usu chì facia chì *u sangu chjamaia u sangu*. Issa pratica di a vindetta hà fattu nascia guerri è numicizii trà famiddi sani. Pasquali Paoli, fiddolu d'un *appaciatori*, Ghjacintu, luttarà senza piità contr'à i *vindetti trasvirsali* causi di tanti doli è tanti numicizii. Cù u so tribunali spiciali a *rota civili*, Paoli hà lasciatu u recordu d'una ghjustizia sivera ma ghjusta, a *ghjustizia paulina*. À u Babbu di a Patria li mancarà u tempu pà stabbilì un statu di drittu.

Dopu à a cunquista francesa, i disordini è l'instabbilità pulitica facini rinascia u banditisimu à u dicianuvesimu seculu : Gallochju, Tiadoru Poli, Ghjuvan Cameddu è u famosu Bellacoscia, bisfiddolu di u grandi risistenti Zampaglinu, sò i banditi i più cunnisciuti à issi tempa. A literatura francesa hè affascinata da issu mondu di forilegi, à u stessu tempu barbaru, crudeli ma dinò maraviddosu è rumanescu. A vidimu cù l'opari di i scrittori tali à Prospero Mérimée cù "Culomba" è "Matteu Falcone" o Lisandru Dumas cù i "Frateddi corsi".

U dopu guerra di u 14, i banditi i metti torna in mostra, cù i primi filmi cinematograffichi. Ma i populazioni supportani di menu in menu issi bandi di foriscritti chì campani à i so costi. In lu 1931 una spidizioni militara hè lanciata pà stirpà u banditisimu in l'Isula. L'ultimu banditu Andria Spada hè capimuzzatu in Bastia in lu 1934.




A guerra di u 14

A Corsica dissanguinata

In u 14 schiatta a Prima Guerra mundiali. I Corsi sò mubbilizati ind'è l'armata francesa framezu à tutti i populi di Francia è di l'Imperu culuniali. 48 000 omini sò mubbilizati è più di 12 000 ùn vultarani micca. In a fanga di i trincei, in lu fritu è a nivi, milioni d'omini sò sacrificati in i battagli di Verdun o di u *Chemin des Dames*. U 173 hè un rigimentu induv'iddi si ritrovani monda Corsi. In lu 1917, monda suldati si rivoltani ; ùn volini più serva di "carri à cannoni" pà l'assalti di i ginirali francesi. In fatta fini, a guerra finisci in lu 18. A Corsica, in più d'issa straghji umana caghjunata da a guerra, soffri tandu di l'epidemia di a "influenza spagnola" chì tumba cintiniai di parsoni.

I lindumani di a guerra sò difficiuli pà l'Isula abbandunata è lasciata in mani à i capi clanisti. Par via di quissa, i Corsi partini à circà furtuna in i culunii francesi.

Di pettu à issa situazioni, un eroiu di a guerra di u 14, Petru Rocca crea u *Partitu Corsu d'Azzioni*, un muvimentu autunumistu è u ghjornali *A Muvra*, cù u scopu di fà rinascia a Corsica è salvà a so lingua è a so cultura. U muvimentu autunumistu piddu u seguitu di *A Tramuntana*, prima ghjornali in lingua corsa fundatu da Santu Casanova in lu 1896, è di *A Cispra*, publicazioni naziunalista di u 14 chì dissi "A Corsica ùn hè micca un dipartimentu francesu, hè una nazioni vinta chì hà da rinascia". Uni pochi d'intellettuali, tali u scrittori è linguistica Filippini o u pueta Marco Angeli, cunsidarighjani a Francia com'è una "matrigna" è duventani a poc'à pocu *irredentisti* : vali à dì ch'iddi volini chì a Corsica sghi attaccata à l'Italia di Mussolini.



A Siconda Guerra mundiali



Ghjuvanni Nicoli.



Finita a Prima Guerra, i dittatori piddani u puteri in Italia po in Germania. Mussolini in Italia è Hitler in Germania mettini in anda sistemi di guvernu auturitarii chjamati fascisti. "Mussulinu" rivindichighja pusessi tarritoriali in lu Miditerranu è framezu ci hè a Corsica, cunsidarata com'è terra taliana. A risposta veni cù u Ghjuramento di Bastia u 4 dicembri di lu 38, à prò di a Francia. In lu 39, schiatta a guerra trà i dimucrazii uccidintali è i stati fascisti. A Corsica passa prima sutt'à u guvernu cullabulatori francesu di Petain po hè occupata in lu 42 da l'armati taliani di Mussolini. A risistenza s'organizighja in rilazioni cù Algeri in Africa di u Nordu. I viaghji di u suttumarinu Casabianca arrecani armi, agenti è ordini di missioni. Unu di i gran capimachja di a risistenza corsa fù Ghjuvanni Nicoli tumbu in Bastia d'austu di u 43.

Iss'istati di u 43, Mussolini, scunfittu in Africa, hè lampatu fora d'Italia ; u paesu, cù u ginirali Badoglio, s'unisci à l'Alliati.

A risistenza corsa dicidi una rivolta ginirali u 9 di settembre di u 43, è Aiacciu hè prestu libaratu. In pochi sittimani, cù l'aiutu di i suldati di l'armata taliana, di l'armata francesa d'Africa di u Nordu cumposta pà a maiò parti da Berberi chjamati gumiè, di l'aviazioni inglese è americana, a Corsica sana hè libarata. L'armata alimana ùn circa micca à mantena si ind'è l'Isula è s'imbarca in Bastia pà l'Italia.

Dopu i Corsi sò mubbilizati pà a libarazioni di l'Europa : a Corsica (cugnumata tali un portaerei Uss Corsica da u statu magiori americanu) ghjova di basa à l'aviazioni inglese è americana pà bumbardà i pusizioni alimani in cuntenenti talianu o francesu. Pà prutegħha i so suldati, arrughjunati in a piaghja uriintali, da a malaria, l'armata amiricana lampa à l'ingrossu una pulvaretta (DTT) da risanà i lochi di pianura. Metti fini cusì à un mali chì impistaia i piaghji di l'Isula dapo un milleniu è di più.

A Spalluzzera* corsa



À i Corsi li hè toccu da sempri à lascià l'Isula par via di l'invasioni, di i numicizii trà famiddi o di l'avinimenti pulitichi. Fù versu Roma à tempa ll'invasi saracini di l'uttesimu seculu, è po dopu in Spagna, in Francia, in Napuli, in Toscana o in Venezia à tempu di i guerri ghjinuvesi. Cù i Saracini è a pirataria barbaresca, middai di Corsi sò stati dipurtati in Africa musulmana : c'era circa 6 000 Corsi in Algeri quand'è Samperu ci sbarcò in lu 1562.

Ci hè stata ancu un'emigrazione ecunomica chì vulia ch'omu partissi à circà travaddu è furtuna : da prima in Italia, chjamata da l'isulanu *terra ferma* fin'à u dicianuvesimu seculu. È po dopu i Corsi ani circu furtuna è gloria in i culunii francesi : da l'Africa à l'Induscina com'è funziunarii o militari. Certi si ni sò partiti in America : mori capicursini, à u Venezuela o in Porto Rico, ani

riisciutu da culandi à u mari, in lu mondù novu. Intentu si sbiutaia a Corsica da i so forzi vivi, da a so ghjuventù pà duvintà un disertu : in lu 60, a populazioni di l'Isula hè di 160 000 abitanti è basta.


A riescita suciali di i Corsi d'altrò ùn li pò fà diminticà a so tarra d'urighjini : "Quand'iddu parti da a so isula, ùn si ni và un Corsu, s'assenta.", dicia l'avvucatu Moro Giafferi.

Ma in lu 62, cù a fini di a guerra d'Algeria, si ni sparisci l'Imperu culuniali francesu. Ci era tandu dicini di middai di Corsi in Algeria è in Africa sana.

L'annuariu mundiali di i Corsi mintuvighja 1 500 000 Corsi d'urighjini in lu mondù sanu, chì solu circa 160 000 stani oghji in Corsica.

* : A Diaspura

Tempa di i scambiamenti



Finita a guerra, i capi clanisti sò scuzzulati un tempu da i cumunisti, ma ripidani fiatu in l'anni 50 cù Rocca Serra è Giacobbi chì piddani u seguitu di Landry, Gavini è Pietri.

À l'entra di l'anni cinquanta a malaria sparisci da u liturali di l'Isula : a piaghja ùn sarà più un locu di spaventu.

In lu 58 è u 62, a Corsica hè tocca da l'avimenti di a guerra d'Algeria. Pà l'isulani, a fini di l'Imperu francesu hè a fini di carrieri di funziunarii o di militari in i culunii. Persa l'Algeria è l'altri culunii, i Corsi ani da fighjulà ver di u so paesu spupulatu è pocu sviluppatu.

Dopu à u 62, 12 000 pedinieri vinuti d'Africa di u nordu si arrughjunighjani in Corsica. U statu francesu aiuta tutta issa ghjenti chì ani persu tuttu cù a guerra d'Algeria è metti in anda un pianu di

sviluppu di l'agricoltura in a piaghja uriintali. Issa parti di a Corsica si copri di vigna, affaccani banchi è uffizii ; ghjunghji a mani d'opara da i paesi magribbini. Ma l'agricoltori corsi sò scantati da iss'opara di missa in valori.

In lu stessu tempu, l'anni 60 vidini u sviluppu di u turisimu long'à u mari. I tarri chì ùn valiani nunda pà via di i paduli, sò invidiati da veru da tamanti cumpagnii turistichi chì i comprani pà una baiocca.

A ghjenti lasciani i muntagni è i so paesi pà i piaghji, i cità o u cumenti francesu. A Corsica si pupulighja torna, ma pocu è micca pà via di i Corsi ; a cultura, a manera d'essa, u modu di vita scambiani è omu si pò dumandà sì, cù tuttu issu scunvuddu, l'anima corsa ùn si n'andessi à caternu.



Edimondu Simeoni.

Tutti issi scambiamenti ani da dannighjà l'essa di u populu corsu : a cultura, a lingua sò minacciati, u sviluppu si faci senza i Corsi com'è in piaghja uriintali. In l'anni 60 nascini i primi muvimenti righjunalisti, chì duventani un pocu dopu autunumisti cù a *Chjama di u Castellare* in lu 73. U più cunnisciutu tandu hè l'ARC : *Azzioni pà a Rinascita di a Corsica* chì dinuncia a situazioni ecunomica, pulitica è culturali fatta à u populu corsu.

D'austu di u 75, *Edimondu Simeoni*, u capimachja di l'ARC, faci un discorsu appassionatu davant'à 8 000 parsoni aduniti in Corti : hè tandu ch'idda cumencia a luttu naziunista.


Uni pochi di ghjorni dopu, parichji dicini di militanti di l'ARC armati occupani u cantinonu d'un grandi prupriitariu pedineru di a costa uriintali, cumprumissu - cù altri vignaghjoli - ind'un

scandalu chjamatu « scandalu di a vinaccia ». U 22 d'austu, u statu riagisci : 2 000 vardiamobili sò mandati cù alicòtteri di guerra. Dopu à provi di niguziati, in fin' di ghjurnata, l'assaltu hè datu ; dui giandarmi sò tumbi è un militanti di l'ARC hè firitu. Dopu à l'assaltu Edimondu Simeoni si metti in mani mentri chì l'altri militanti ripartini libari è armati.

Qualchì ghjornu dopu u guvernu scioddi l'ARC. In Bastia, nascini azzuffi chì duventani prestu rivolti ; ghjovani Corsi tirani annan'tà i forzi di pulizza : un CRS hè tumbu è tredici sò firiti. Bastia si svighja in statu di guerra.

Dopu à iss'avvinimenti, parichji parsoni sò arristati è imprighjunati in Parigi com'è Edimondu Simeoni. Middai di Corsi falani in carrughju pà strappà a so libarazioni.

A lotta clandestina



À parta si da l'anni 70, uni pochi di militanti circani di purtà u missaghju naziunalistu cù mezi viulenti, è nascini i primi muvimenti clandistini.

Ma hè dopu à l'avinimenti d'Aleria ch'iddu nasci u *Fronti di Libarazioni Naziunali di a Corsica (FLNC)*, u 5 di magħju di u 76, cù attintati in l'Isula sana. Da tандu, u Fronti com'iddi u chjamani, s'hà da manifistà guasi tutti i notti attacchendu in Corsica è in cumenti i palazzi pubblici, i simboli di l'armata, i stabbilimenti turistici di i spiculatori... U statu francesu riagisci cù l'arrestazioni di dicini di militanti chì sò mandati in i prighjò francesi. À parta si da u 77 hè urganizata una milizia ditta di « barbuzi » chjamata *Francia* chì faci attentati contr'ά i naziunalisti.

L'anni 82-84 vidini i muvimenti naziunalisti pubblici entra à l'Assemblea di Corsica, è a nascita di i cusì ditti « contraputeri », tali u S.T.C. (Sindicatu di i Travagliadori Corsi). U muvimento contr'ά i naziunalisti di a CFR (*Corse Française Républicaine*) mubbilizighja à prò di a Corsica francesa. In l'88, dopu à un tempu di cunfronti dràmatici trà u statu francesu è u Fronti, hè pruclamata una tregua.

À u principiu di u 90, u muvimento naziunalistu cunnoxi una prugressioni maiò in tutta a suctà

corsa. Ma hè tандu chì u muvimento naziunalisti spicca in due : MPA da una parti è *Cuncolta* da l'altra. In lu 93, schiatta una guerra trà fazzioni naziunalisti clandistini chì ùn finisciarà cà in lu 96. U muvimento naziunalista sorti indibbulitu da issu scumpientu chì hà fattu dicini di morti ; a Corsica hè culpita è sgumintata.

Di frivaghju di u 98, u prifettu Erignac hè assassinatu da un gruppu clandistinu : in Corsica dicini di middai di ghjenti falani in Carrughju pà cundannà issu fattu.

Di luddu di u 99, i muvimenti naziunalisti facini a paci trà iddi dopu à l'anni di a stirpera.

Di dicembri di u 99, dopu à du attintati in pienu ghjornu in Aiacciu, u guvernu di Jospin metti in anda un dialugu cù tutti l'eletti di l'assembla di Corsica chjamatu *processus de Matignon* da dicida inseni di l'avvena di l'Isula.

U fiascu di u riferendu di u 2003 nantu à a *cullittività unica* hè torna caghjoni di una situazioni di bluccamu è rilancia a lotta clandestina cù i so danni è i so straghji : attintati, morti, prighjò, prucessi com'è quiddu d'Ivanu Colonna chì vidi a mubbilizzazioni di a ghjuventù corsa è di middai di parsoni.

Chì Corsica pà u XXI^{mu} seculu ?



A Cullitività Tarritoriali di Corsica.

Iss'ultimi 30 anni ansi mudificatu da cima à fundu a sicutà corsa. À l'evuluzioni sociali si sò aghjunti mutazioni di a fin' di seculo.

L'ecunumia corsa hè sempr un'ecunumia duminata da u sittori publicu, i sittori pruduttivi di l'agricoltura o di u turisimu sò sempr limitati, i trasporti fermani u problema maiò. È puri, oghji monda ghjovani volini quantunqua campà in Corsica.

Dopu à Aleria, a cultura corsa hà cunisciutu u muvimentu di *u Riacquistu*, u priculu di sparizioni hà caghjunat un riflessu di salvezza. U cantu hè statu unu di mezi di sprissioni culturali più forti ; dopu à *Canta u Populu Corsu*, altri gruppi com'è i *Muvrini* ani fattu cunoscia u cantu corsu à u mondù sanu. A lingua corsa hè intruta à pocu à pocu in iscola. A quistioni di a lingua hè oghji una di i quistioni di primura pà l'avvena. L'università di Corsica, rivindicazioni maiò di i naziunalisti, hà apartu in l'81 è conta oghji più di 4 000 studenti.

A Corsica hè campatu parichji evuluzioni stituzionali, prima in l'82 cù u statutu particulari, po in lu 92 cù u statutu dittu *Joxe* è l'accordi di *Matignon* in lu 2002, chì sò andati più luntanu. Ma a costituzioni francesi hè impiditu a ratificazioni di a nuzioni di "populu corsu" è ferma ancu oghji issa costituzioni una di i più centralisti di l'Europa.

L'Europa chì si faci oghji mudifichighja u visu di a Corsica cù i trattati di *Maastricht* è di *Amsterdam* è i programma auroupei chì mettini in leia a noscia isula cù altri isuli di u Miditerranu. Dapoi qualchì annu middai di parsoni sò sbarcati in Corsica è cù st'abbissu di ghjenti si

Chì Corsica pà u XXI^{mu} seculu ?


ponini prblemi d'alloghju è d'intigrazioni. A sucità corsa scambia pianu pianu : l'alizzioni pulitichi o prufissiunali, i manifestazioni di i middai di i parsoni dopu à l'assassiniu di u Prifettu Erignac, a mubbilizazioni pà u prcessu Colonna, pà u statutu fiscali o a lingua corsa, i grevi certi volti pisii pà l'ecunumia, mettini à palesu una sucità in mossu è in circa di u so lindumani.

Da u 2012 à u 2014 l'Assemblea di Corsica vutò un statutu fiscali spicificu pà a Corsica, u bislinguismu, u statutu di risidenti è a scrizzioni di a Corsica in la Custituzioni... Orbè, issi dicisioni s'upponini à a legi custituziunali francesa ... Una nova mossu pari in baddu è l'avvena diciarà sì a Corsica farà da sè.

Appicci

Pievi à u Medievu

- 1 Chjapella
- 2 Tuminu
- 3 Luri
- 4 Petracurbara
- 5 Canari
- 6 Siscu
- 7 Nonza
- 8 Brandu
- 9 Lota
- 10 Ortu
- 11 Rusulu
- 12 Nebbiu
- 13 San Petru Vechju
- 14 Ostriconi
- 15 Tuani
- 16 Santa Riparata
- 17 Aregnu
- 18 Lumiu
- 19 Calvi
- 20 Olmia
- 21 Pinu
- 22 Sant'Andria
- 23 Ghjunsansi
- 24 Caccia
- 25 San Quilicu
- 26 Bivincu
- 27 Mariana
- 28 Casinca
- 29 Casacconi
- 30 Bigornu
- 31 Rustinu
- 32 Ghjuvellina
- 33 Niolu
- 34 Falasorma
- 35 Chjumi
- 36 Armitu
- 37 Lioli
- 38 Luzzipeu
- 39 Sia
- 40 Sevi
- 41 Talcini
- 42 Venacu
- 43 Mercuriu
- 44 Boziu
- 45 Vallerustie



- 46 Ampugnani
- 47 Orezza
- 48 Tavagna
- 49 Muriani
- 50 Campulori
- 51 Alisgiani
- 52 Serra
- 53 Matra
- 54 Verde
- 55 Opinu
- 56 Aleria
- 57 Rogna
- 58 Sorru
- 59 Vicu
- 60 Sagona
- 61 Salogna
- 62 Reonda
- 63 Paomia
- 64 Liamone
- 65 Cinarca
- 66 Cruzini
- 67 Castellu
- 68 Cursa
- 69 Talavu
- 70 Cavru
- 71 Celavu
- 72 Mezana
- 73 Appietu
- 74 Aiacciu
- 75 Costa
- 76 Urnanu
- 77 Cruscaglia
- 78 Scupamena
- 79 Cuvasina
- 80 Sacri
- 81 Carbini
- 82 Attalà
- 83 Valli
- 84 Vighjanu
- 85 Sartè
- 86 Bisughjè
- 87 Ortolu
- 88 Figari
- 89 Portivechju
- 90 Bunifaziu

Signurii corsi à u Medieu (XIII^{mu} seculu)

Rocca

Da San Ghjorghju à Bunifaziu fin'à Cuasina, Foci di Verdi, Bucca d'Asinau, a Sulinzara
16 pievi
Vassali : Biancolacci cù i casteddi di Capula è Bisughjè ; Cagnarelli, Airinchi
Għjudici di Cinarca, Francescu della Rocca, Arrigo della Rocca, Polo della Rocca, Rinucciu della Rocca
Casteddi di Rocca Tadda , Cuciurpula, Contitudine, Attalà, Roccapina, Samulaghja, Rocca di Vaddi, Corbu, Baricci, Litali...
Lochi impurtanti : Pianu di Cusciò, Piaghja di Fretu, Portivechju, Bunifaziu, Liami cù A Gallura

Urnau

Discidenti di Lupu d'Urnau, nipoti di Ghjudici di Cinarca
Vassali o parenti : Bozzi
Casteddu di Locra (Urnau)
Taravu à mani dritta
Istria discidenti di Ghjudici di Cinarca
Taravu à mani manca
Vincinteddu d'Istria Conti di Corsica da 1407 à 1434
Casteddu d'Istria

Leca

Da Marsulinu à San Ghjorghju, Niolu, Foci di Vizzavona.
22 Pievi
Vassali : Salaschi, Talavintacci
Għjuvan'Paulu di Leca conti di Corsica, Raffè di Leca, Giocante di Leca, Rinucciu di Leca
Casteddi di a Zurlina, Rocche di Sia, A Catena, Leca, Ghjineparu, Foce d'Ortu, Cinarca, Gozzi, Cavru, Palmentu, Tralavettu, Pipella, Marmurigna...
Cità viscuvili d'Aiacciu è di Sagona, Casteddu di Cinarca

Pinaschi

9 pievi
Da Ostriconi à Marsulinu sin' à u Giunsani
Discidenti di Guidu Savalli è u so fiddolu Pinu. Alliati à Ghjudici
Casteddu di Vortica, San Anghjulu, Braccaghju, San Culumbanu, Sant'Antuninu, Avazeri, Mugliuaccia, Pievi d'Aregnu, Casteddu di Calvi, Isula d'Oru

Loretesi

I Loreto di Nebbiu discidenti di Ghjuvanninellu di Petr'Ellerata, contrapartitu di Ghjudicci
7 pievi
Muntagna di Tenda da San Fiorenzu à Ostriconi fin'à Golu Ghjuvanninellu chi alzò u casteddu di Calvi
A signuria pidda pocu à pocu a suprana annant' à i Bagnaninchi è u territoriu viscuvili di San Fiorenzu ; San Fiorenzu

De Gentile

5 pievi
Capi Corsu Suttanu Lavasina à Petracurbara è da i Ferringuli à Minerviu
Nonza, Marine di Lavasina è Erbalunga
Casteddu di Brandu è Nonza

Da Mari

3 pievi è l'isula di Capraia
Capi Corsu supranu, da Giraglia à Miverviu è Petracurbara
Marina di Centuri, Ruglianu, Capraia.
Casteddi di Motti è San Culumbanu di Ruglianu
Ansaldū da Mari amirali di i marina di l'imperatori

Bagnaia

Pievi di Marana Ortu è Lota

Casteddi di Biguglia, Stella, Montechjaru,
Stagnu di Chjurlinu, a Canonica, Mariana, U Borgu,
Portu Cardu

Cortinchi

Da fiume Golu à Fium'Orbu è a i scali di Santa Regina
Quasi tuttu u diocesi d'Aleria

21 pievi

Vassali : Amondaschi, Loretisi di Casinca, Massa
Corti, Rustinu, Lumitu, Viscuvatu, Petr'Ellerata di Verde,
Supietra, Omessa, Serravalle...
Cità viscuvili d'Aleria, San Petru d'Accia, Corti, pievi di
Casinca

Cuasina

1 pievi

Da a Sulinzara à u Fium'Orbu

Piuttostu vassali o imparintati à i Rucchisgiani
Casteddu di Cuasina



 Casteddi

 Città viscuvili

 Presidii ghjinuvesi

 Anzianu territoriu
Obertenghi

I Conti in a Storia è in i Cronachi

Ugu Colonna Parsunaghju miticu ma cintrali di i Cronachi. Nobuli rumanu vinutu in Corsica cù Amondu Nasica è Guidu Savelli chì fecini a cunquista di a Corsica in tempu di Carulu Magnu. Ugu Colonna tumbò u rè moru Nugolone è presi a so capitali in Corti à u Palazzu di u Poghju di Venacu. Lasciò u puteri à u fiddolu Bunifaziu chì presi u titulu di Conti di Corsica.

Arrigu Bel Missè Discindenti d'Ugu Colonna, hè prisintatu da Ghjuvanni di a Grossa com'è u parsunaghju parfettu, bonu, ghjustu, forti è curaghjosu chì ghjistia l'affari di Corsica cù ghjustizia. Assassinatu à tradimentu vicinu à Palmentu à u Ponti di a Petra cù i setti fiddoli minori (*Ponti di i Setti Polli*). Dopu issu vituperiu si scatinoni tutti i piaghi di a Corsica : u celu s'annirà è una voci dissu “hè mortu u conti Arrigu Bel Missè a Corsica andarà da mali in peghju”. Da tandu l'anarchia, i numicizii è i guerri dissanguinoni a Corsica sana, sicondu Ghjuvanni di a Grossa.

I conti di Corsica ebbini una successioni diretta pà via di u *jus sanguinis* fin'à Diut'aiuti u Sardu è u fiddolu Arrigu. Tandu intrimu in a storia ducumintata fora di i Cronachi.

S'è certi signori corsi o stragnieri ani da riceva u titulu di “conti di Corsica” da suvrani stragnieri, o u rivindicarani da par iddi, ùn sarani mai ricunnisciuti com'è tali. Solu cinqui Conti di Corsica sarani ricunnisciuti lighjittimi.

Għjudici di Cinarca 1264-1308.

Arrigu da la Rocca conti di Corsica 1374 à 1401

Vincinteddu D'Istria 1407-1434

Paulu Da la Rocca elettu conti in lu 1436 in Merusaglia à u Bucca à u Pratu

Għjuvan Paulu di Leca elettu u 23 di ghjinnaghju di u 1487 à Lagu Benedettu, mortu in lu 1515 in Roma. Fù l'ultimu conti di Corsica

Dinastia di i conti di Corsica

U prima conti di Corsica hè un parsunaghju miticu, Ugu Colonna, principu rumanu mandatu da u Papa pà lampà fora i Mori chì s'erani impatrunuti di a Corsica. A so discindenza ereditighja d'issu titulu, da Arrigu Bel Missè fin'à Ghjudici di Cinarca chì ghjè un parsunaghju storicu.

U titulu di Conti veni da una titulatura amministrativa rumana *Comes*. Toccu a fini di l'Imperu è a diluzioni di u statu, issi titulaturi duventani ereditarii à l'epica carulingia po tituli feudali. In Corsica issa titulatura si po paragunà cù i Conti-rè di i Marchi Spagnoli (à a fruntiera cù i stati musulmani).


U conti di Corsica hè un omu sceltu in i famiddi di stirpa cinarchesa è basta, chì si dicini discindenti d'Ugu Colonna : veni à dì i da la Rocca, l'Istria o i Leca. Nè i Pinaschi (Savelli) o l'Amondaschi, nè menu i Curtinchi, puri ch'iddi füssini potentissimi o i signori di u Nebbiu, i Bagnaninchi o i signurii capicursini, pratendini à stu titulu.

U conti devi pusseda due casteddi : Cinarca in Pumonti è Bigulia in Cismonti. Ma ùn basta l'eredità : bisogna à essa eletti da i Veduti, vali à dì cunsulti pupulari duv'iddi sò aduniti middai di paisani (dicini di middai sicondu certi crunisti) chì si tenini in due lochi :

- u primu è u più simbolico hè Lagu Binidettu in la pianura di Mariana, à vicinu à a Canonica ;
- u sicondu, usatu una sola volta, hè a Bocca à u Pratu (Merusaglia).

Issi loca com'è i casteddi mintuvati sò ligati di modu strittu à a lighjenda d'Ugu Colonna è à guerra contr'à i Mori : Mariana, Merusaglia.

I capi, signori o pupulari, piddani a parola pà pruclamà cù acclamazioni u conti chì ricevi in fatta fini a bachetta, una rama d'albitru signu di puteri di ghjustizia nant'à l'Isula sana.




Parsunaghji mitichi

Parsunaghji storichi

Ritratti di parsunaghji

Sèneca Natu in Còrdova (Spagna) in u 4 nanzu à Cristu è mortu in Roma in u 65 dopu à Cristu. Filòsuffu rumanu di i tempa di Claudiu è Neronu imperatori (I^{mu} seculu). Fù mandatu in esiliu in Corsica da Messalina, a moglia di Claudiu. Firmò ottu anni in Corsica (41 à 49 dopu à C.) è ne feci discrizzioni di l'Isula è di a so ghjenti à quiddi tempa. U so parè sarà ripresu da monda in Europa longu à tuttu u medieuvu. Vultò in Roma, dopu à a morti di Messalina, è duvintò u pricittori di Neronu sicondu a vulintà d'Agrippina. Cundannatu à morti da Neronu, morsi ricchissimu denu si a morti cù u vilenu.



Furmosu À senta dì fiddolu di Leone di i Gatti di Vivariu, di u pasciali di u Perellu, vescu di Portu, vicinu à Ostia, quartieri pupulatu da i Corsi chì fughjiani l'assalti saracini. Papa da l'891 à l'896. Dopu a so morti u so successori Stefano VI li feci u cusì dittu *cunciliu cadavericu* : u schelatru fù cacciato da a tomba, missu in i so panni papali nant'à a sedia pontificali, "cundannatu", po spizzatu è lampatu in fiumu Tevere. Fù riabilitatu dopu da Bonifacio VI.

Al Mudjahib al Amari (Musettu) D'urigina schiavu cristianu (forsa talianu, corsu o sardu), Mudjahib era emiru di Denia, *taifa* (regnu) musulmanu spagnolu situatu suttu à Alicanti (Il *taifa* presini u seguitu di u califfatu di Cordova). In lu 1004, Mudjahib presi i Baleari po attaccò a Corsica, a Sardegna è a Toscana. In lu 1015 lanciò da i Baleari una spidizioni contr'à a Sardegna (è a Corsica). Issendu minacciati i costi di Toscana, u Papa adunì una cualizioni di i marini pisani è ghjinuvesi cumandata da i marchesi di Toscana. A spidizioni partì pà a Corsica è a Sardegna è vincì à Mudjahib in lu 1016. Mudjahib turrò à i Baleari pà cuntru i scurarii in mari à parta da Denia o da l'Isuli. Hè da tandu ch'idda principiò a cunquista di u Miditerranu, è di l'isuli tirreni, da i putenzi cristiani taliani Ghjenova è Pisa.

Għjuvanni da a Grossa Crunista corsu chì campò à u XV^{mu} seculu, fù à sirvizi di Vincinteddu d'Istria ma firmò in a storia pà i so cronachi, chì funi ripresi da parichji crunisti dopu à iddu. Fù iddu chì parlò di l'epopea d'Ugo Colonna, d'Arrigo Bel Missè è di a Musca d'Avretu. I so cronachi scritti in lu 1460 sò sempri u ducumentu di fundaliziu di a storia corsa ancu pà essa stati cunfistati dopu.

Antonu Petru Filippini Natu in lu Viscuvatu, arcidiacunu di u viscuvatu di Marianna, scrisse a storia di a Corsica da u 1559 à u 1590. Po aghjansi i scritti di Ghjuvanni di a Grossa, Monteggiani è Ceccaldi pà fà un opara complettu. Filippini s'era uppostu à Samperu è hè tinutu piuttostu pà essa à prò di Ghjenova.

Andrea Doria 1466-1560 D'una stirpa a più nobili di Ghjenova, cuminciò a so carriera militara in Corsica à 20 anni contr'à Rinucciu di a Rocca. Partighjanu di u rè di Francia in lu 1524, po di Carlu Quintu, missi fora i Francesi da Ghjenova in lu 1528 cù l'appoghu di l'Impero. Proclamato *Padre di a Patria* è ammirale di l'esercito ghjinuvesu, cumandò a flotta cristiana viniziana è spagnola chì affrontò a marina ottomana di Kara el Din Barberousse à a Prevesta in lu 1538. Organizzò a lotta contru à i Barbareschi in tuttu u Miditerranu, lotta chì fù accimata da a cattura di Dragut in lu 1540 à u Ghajrulatu. À l'età di 90 anni, in lu 1556, presi à San Fiorenzo è à Calvi in mani di a cualizioni francesa è turca, cumandendu a flotta ghjinuvesa.

Assanu Corsu Natu in lu 1518 in Tavera, fù presu ziteddu da i Barbaricini sbarcati in lu Campu di l'Oru po mandatu in Algeri è Custantinopoli. Allivatu à a corti di i Giannizzeri, vultò in Algeri duv'iddu duvintò Agha po Caidu d'Algeri in lu 1549. In lu 1556, succidì à Salah Rais com'è Rè d'Algeri duranti l'assedio d'Oranu. Ma rivultendu si contr'à l'ordini di l'Imperu ottomanu, fù presu in Oranu, tumbu è imbruccatu. Fù u simbulu, cù Filippu da Pinu (Mami Corsu) di tutti i Corsi tribbulati da una sponda à l'altra di u Miditerraniu.

Dragut Torgut Reis era u fiddolu di un artigianu grecu cristianu, si "fecì turcu" sicondu l'usu di l'epica è passò à sirvizi di Kayr al Dyn Barberousse com'è Beylerbey di a so marina. Fattu prighjuneru à u Ghjirulatu in lu 1540, da Gianettino Doria, fù libaratu contr'à riscattu. Cunsidaratu com'è unu di i "pessimi taurri di u mari" à quiddi tempa, avia una di i so basi prifiriti in Purtivechju. Presi è missi à l'abbottu à Bunifaziu in lu 1553 duranti a prima guerra di Samperu. In lu 1560 battì a marina spagnola in Gerba, è morsi à l'assedio di Malta in lu 1562.

Arrigu di a Rocca Discidenti di Ghjudici di Cinarca, fù u prima Cinarchesu à chjamà di modu francu u rè d'Aragona pà luttà contr'à i Ghjinuvesi. Deti pettu à a rivolta populara di u 1358. Fù elettu Conti di Corsica in lu 1374 ed ebbi l'appoghju massicciu di l'Aragona cù l'arrivu di u Rè d'Aragona Martinu I^{mo} in Aiacciu è in Sagona in lu 1397. Fù forsa unu di i primi à alzà a bandera à testa mora ed hè firmatu unu di i cinarchesi i più di trinca. Morsi in lu 1401, è a so opara fù cuntinuata da Vincinteddu d'Istria.

Munsignori Sauli 1534 -1593 Corso sua volontà, mandatu in Corsica in lu 1570, un annu dopu a fini di i guerri di Samperu, fù l'architettu chì missi in opara a riforma tridintina in Corsica. Cù iddu a ghjesia catolica si sviluppò cù un impurtanti muvimentu sacirdotali. Hè unuratu in ghjesia di Cervioni.

Bastianu Costa Natu in lu 1682 in Aiacciu, feci i so studii di dritt in Roma. Padri di a prima custituzioni corsa di u 1735, fù cancellieri di u rè Tiadoru è autori di a custituzioni. Fù u prima à scriva l'articuli custituzionali chì stacconi a Corsica da Ghjenova è à metta in anda i fundamenti di un rigimu parlamentariu. Custrettu à fugha da l'Isula, s'isiliò in Italia è morsi in lu 1737, dopu avè fattu a ridazzioni di i so mimorii.


Eramu Orticoni Nacquì ver di u 1680 in Santa Riparata di Balagna. Maestru à u seminariu di Campuloru, andò in Roma à sirvizi di u duca Caffarelli. Si ni vultò in Corsica in lu 1720. À parta si da u 1731, duventa unu di i capi intellettuali di a nazioni corsa. Fù iddu chì, di marzu 1731, organizò a consulta di i teòlughji d'Orezza dendu u cuntinu èticu è u valori rilighjosu à a Rivoluzioni. Fù dopu un diplomaticu trimendum chì scumbattì in tutti i corti d'Europa pà ricircà un aiutu sternu à a nazioni corsa. Partighjanu di Gaffori po di Matra, morsi un pocu sminticatu da Paoli in lu 1760. Teòlugu franciscanu, fù unu di parsunaghji maiò di u pinsamentu naziunali cù Ghjuliu Matteu Natali, autori di u *Disingannu* in lu 1736, è Donu Grigoriu Salvini, autori di a *Giustificazione*, in lu 1758.

Carlu Andria Pozzo di Borgo 1764 -1842 Cuginu di Napulionu, duvintò u so numicu di sangu, cù un odiu chì si prusiguì da a Corsica à l'Europa sana. Diputatu di a Corsica in Parigi in lu 1789, fù partighjanu di Paoli è principiò incù iddu a rumpitura cù a Francia giacobina di u 1793, quidda chì custrinsi i Buonaparte à l'esiliu. Prresidenti di u cunsigliu di u regnu corsoinglesu, suvitò u vicirè in Inghilterra. Passò l'epica napuliuniana trà Inghilterra, Austria, Custantinopoli è Russia à sirvizi di u Zar in i bataglii napuliuniani. Parsunaghju di a Risturazioni dopu à u 1815, fù Conti è Paru di Francia, morsi in lu 1842 ed hè intarratu à u cimiteriu di u Père Lachaise in Parigi.



Circinellu natu in lu 1702. Uoriginariu di Guagnu, Preti Dumenicu Antonu Leca feci i so studii in Roma prima d'essa preti in Guagnu. Dicisi di risista à l'avanzata di i Francesi. Dopu à a disfatta di Ponti Novu, piddò a machja è morsi ind'una sapara d'Ania di Fium'Orbu in lu 1771, *cippu in manu è cruci in pettu*. Hè u simbulu di a risistenza corsa di tandu è fù unuratu da puesii è canzoni.

Cardinali Fesch 1763 - 1839. Ziu di Napulionu, mezu frateddu di a mamma Letizia, u babbu era un suldatu sguizzeru à sirvizi di a Francia. Feci i studii pà essa arcidiacunu. Fù ubligatu di lascià l'ordini dopu à l'epica di a rivuluzioni è di u Trrori. Participò à a campagna d'Italia cù Napulionu da rispunsevuli logisticu po turrò à a ghjesia. Primatu di i Gallii in lu 1802, fù numinatu imbasciadori in Roma in lu 1803. Sarà l'omu di i rilazioni trà Napulionu è u Vaticanu. Hè accoltu una di i più famosi cullizzioni di pitturi ditti *primitivi taliani*, missi in mostra oghji ghjornu à u museu chì porta u so nomu in Aiacciu.



Bellacoscia (Antonu Bonelli dittu Bellacoscia) Era u fiddulinu di Zampaglinu (1728-1796) gran patriottu è risistenti corsu in tempu di Paoli. In a siconda mità di u XIX^{mu} seculu, Bellacoscia piddò a machja ver' di Bucugnà dopu à una vindetta. Firmò 40 anni à a machja è si missi in mani in lu 1890. Hè firmatu una figura di i tempa di i banditi cù Tiadoru Poli, Gallochju, Ghjuvan Cameddu Nicolai o Spada.

Santu Casanova Natu in Azzana u 3 di luddu di u 1850 è mortu in Livornu in lu 1936. Ziu Santu fù l'omu chì feci u prima ghjurnali in lingua corsa chjamatu *A Tramuntana fresca è sana* in lu 1889, fin'à u 1919. Ghjurnalista pulemicu, puliticu iniziatori di u pinsamentu cursistu fù dinò un grandi scrittori è prumutori di a cultura corsa. Publicò racolti puetichi : *Primavera corsa* (1927) è *Fior di Cirnu* (1930). Ebbi com'è cuntinuatori *A Cispra* è *A Muvra* cù Petru Rocca. Duvintò à pocu à pocu irridintistu. I so cennari sarani trasfiriti in Arbori in lu 1962.

Saveriu Coppolani Natu u 2 di farraghju di u 1866 in Marignana, suvitò i so ginitori in Algeria. Fù cunsidaratu com'è u pacificatori di a Muritania da u 1901 à u 1905 è chjamatu l'amicu di i Mori. Omu d'azzioni ma dinò amministratori è omu di paci. Fù ammazzatu u 12 di maghju di u 1905. Hè u simbulu di i dicini di middai di Corsi chì ani riisciutu in i culunii francesi.


Fred Scamaroni 1914-1943. Fiddolu d'un prifettu, dopu a guerra raghjensi a Francia libara in Londra po in Algeri. Mandatu in missioni in Corsica fù presu da l'OVRA (pulizza fascista taliana) è tutturatu. Si deti a morti u 19 di marzu di u 43 in citatella d'Aiacciu pà un parlà.

Vincent de Moro-Giafferi Avvucatu, uoriginariu di Brandu ma natu in Parigi in lu 1878 è mortu in lu 1956. Fù un avvucatu di prima trinca, rinumatu pà a so eluquanze. Difindì, frà altri, uni pochi di causi persi : Landru, banda à Bonnot... Fù suttu sicritariu di Statu in lu 1924 po diputatu radicali socialistu di a terza è a quarta Ripubblica.

GħJENUVA È A CORSICA

- 935 Abbottu di Ghjenuva da i Saracini
1016 Ghjenuva cualizata cù Pisa vinci u rè di Denia Mudjahib in Corsica è in Sardegna
1099 Ghjenuva duventa cumuni
1133 Ghjenuva utteni trè sedi episcupali in Corsica
1118 Spidizioni contr'à l'isuli Baliari
1147-1148 Spidizioni contr'à Almeria è Tortosa
1195 I Ghjinuvesi scassani i Pisani da Bunifaziu
1272 Fundazioni di Calvi - fiascu in Aiacciu
1284 Vittoria di a Meloria contr'à Pisa
1289 Spidizioni ghjinuvesi contr'à Ghjudici in Corsica cù Luchetto Doria
1315 Pisa arrinuncia à i so pratinzioni nant' à a Corsica
1358 Rivolta cumunali in Corsica - Ghjenuva pidda puressu di u Di quà dai monti
1380 Fundazioni di a Bastia
1419 Solu Bunifaziu ferma in mani à i Ghjinuvesi
1456 Spidizioni di Spinola in Corsica
1480 Cumenciu di i guerri contr' à Ghjuvan Paulu di Leca
1492 Fundazioni d'Aiacciu
1503 Guerra contr' à Rinucciu di a Rocca
1553 Prima guerra di Samperu
1564-1569 Siconda guerra di Samperu
1664 Bumbardamentu di Ghjenuva da a marina francesa
1729 Insurizzioni in Corsica
1735 Pruclama di l'indipendenza corsa
1739 Intarvinzioni francesa in Corsica pà via di a chjama di Ghjenuva
1755 Alizzioni di Paoli
1767 Presa di Capraia da a marina corsa
1768 Trattatu di Versaglia
1797 Ghjenuva sparisci da a carta pulitica fatta da Buonaparte

Custituzioni di a Corsica indipindenti di u 1755



Donni di Corsica

Ghinerbia Torquati Parsunaghju miticu di i Cronachi. D'una famidda nubilissima di Roma, fù a sposa d'Arrigu Bel Missè è ebbi cun iddu setti masci è una femina. Dopu à l'assassiniu di u conti è di i setti fiddoli, fù idda à vindicà li. Feci a straghji di i Talavintacci è spiantò i casteddi di Cavru è di Pimpella di Salaschi. Dopu si ritirò in lu palazzu di u Poghju di Venacu pruvendu di dà un bon guvernu à a signuria di Corsica. Sicondu Ghjuvanni di a Grossa, morsi in lu 1006 lascendu i tarri è u titulu di conti à u ghjennaru Antonu.

Serena della Rocca Prima moglia di Rinucciu, da u so nomu di ghjuvannetta Serena Bozzi-Ornano. Hà avutu un'andatura pulitica maiò in tentu chì a raprisintanti di Rinucciu in i so rilazioni cù Ghjenova è l'Uffizi di San Ghjorghju in Corsica, in Bunifaziu ma dinò in a cità lìgura. Fù un punteddu di a pulitica d'allianza cu l'Uffizi. Morsi in lu 1599 ed hè intarrata in lu cuventu di Tallà.

Margharita Bobbia : Parsunaghju quasi miticu chì avaria salvu à Bunifaziu à u mumentu di l'assedio aragunesu di u 1419. Survigliedu i zenni vissi cuddà i suldati aragunesi pà i scali chjamati oghji di u rè d'Aragona. Chjamò l'esercitu bunifazincu è l'assaltu fù rispintu !

Ghjuvannina ditta Vannina d'Ornano 1526-1563 Maritata cù Samperu Corsu in lu 1545 à l'età di 18 anni, arcifiddulina di Ghjuvanni d'Istria frateddu di Vinciteddu d'Istria è eredi di Franchetta d'Istria. Ebbi una sorti tragica quand'idda ricusò a guerra cù Ghjenova. A so prova di fughjita in a cità lìgura fù causa di a riazioni di Samperu chì a stangulò cù un liacciu in lu 1563.

Faustina Gaffori Nata Faustina de Matra, era a moglia di u ginirali Gaffori. Fù un simbulu di u curaghju è di u carattaru di farru di a donna corsa. In lu 1746, i naziunali dani l'assaltu à Corti ; mentri chì i Ghjinuvesi minacciaiani di lampà u so fiddolu da u casteddu in sù, Faustina urdinò à i suldati corsi di cintinuà à tirà è à dà l'assaltu. A cità fù presa. Qualchì annu dopu minacciò di piccià focu à a polvara di u Casteddu s'idda s'arrindia à i Ghjinuvesi a cità.

Davia Franceschini 1756-1799 Cusì ditta "principessa di u Maroccu". Marta, di veru nomu, era uriginaria di Curbara pà via di i so parenti, fatti prighjuneri da Barbareschi tunisiani in lu 1754. Po u coppiu cù a zitedda si ni vultoni in Corsica quandu u battellu fù assaltatu da cursari barbaricini di Salè è à l'età di setti anni Marta fù vinduta à u seragliu di u sultanu di u Maroccu. Rimarcata pà via di a so biddezza divintò più tardi a favorita di u sultanu. Presi u nomu musulmanu di Davia è studiò u drittu musulmanu. Donna principali di a corti maruccana ùn pobbi mai turrà in Corsica è morsi in lu 1799. A Casa di i Turchi in Curbara fù fatta in parti cù i soldi mandati da Davia.

Culomba della Rebbia Eruina di rumanzu di Prosper Merimée scrittu in lu 1839 . U scrittori francesu s'ispirò di una vindetta trà i Carabelli è i Durazzo in Fuzzà in lu 1830. Culomba hè duvintata cù issu rumanzu l'egeria di a donna corsa senza piità pà fà vindetta.

Danielle Casanova Nata Vincentella Perini 1909-1943 Uriginaria di Piana, ma nata in Aiacciu, risistenti cumunista, fù fatta prighjunera è mandata in Auschwitz duv'idda morsi da u tifu in lu 43.

ANI DITTU

SÈNECA : filosùffu rumanu, 43 d. C.

A prima di i so legi hè di tumbà, a siconda d'arrubbà, a terza di nigà i Dii.

Ùn ci hè micca tarra più asciutta cà quidda induve mi trouu eiu, ùn ci hè cà dui cosi : l'isiliu è l'isiliatu.

AL IDRISI : sapienti musulmanu sicilianu, 1133.

I Corsi sò i più viaghjadori di i populi cristiani, si ni scontra in tutti i spondi di u Miditerraniu induv'iddi si battini.

IACOPO DORIA : crunista ghjinuvesu di u XIII^{mu} seculu.

Dopu à pocu tempu i Corsi, falsi è traditori pà sempr'eternu, a si franconi d'ubbidiscia, di rispittà è d'accittà a duminazioni di i so maestri, pà cuntuà latrucisimu è tumbera com'iddu hè l'usu ind'è iddi.

SAMPERU : patriottu corsu, 1563.

Meddu essa turcu cà ghjinuvesu.

G.G. ROUSSEAU : filòsuffu sguizzaru, 1767.

S'iddu ci hè un paesu capaci di legi hè l'isula di Corsica, pensu chì iss'isula un ghjornu hà da stupiscia u mondu.

PASQUALI PAOLI, 1768.

Sdrughjarani i scodda prima ch'e rinunceSSI à a libartà.

NAPULIÒ BUONAPARTE : tandu tinenti d'artigliaria, 1789.

Sò natu quand'è a patria si ni muria, trentamila francesi svacati nant'à i nosci spondi annigoni u simbulu di a libartà in una fumara di sangu.

A CISPRA : ghjurnali naziunalistu, 1914.

A Corsica un hè micca un dipartimentu francesu ma una nazioni vinta chì hà da rinascia.

MORO-GIAFFERI : avvucatu corsu, 1930.

Quand'iddu parti da a so isula, ùn si ni và un Corsu, s'assenta.

BENITO MUSSOLINI : dittatori fascistu talianu, 1938.

Vulemu a gabbia senza l'aceddi.

LIBERT BOU : imissariu di u guvernu francesu in Corsica, 1975.

Mancu 200 000 corsi autunumisti farani mudificà a custituzioni francesa.

BIBBIUGRAFFIA

- AMBROSI A., *Histoire des Corses et de leur civilisation*, Bastia, 1914
- ANTON PIETRO FILIPPINI, *Storia di Corsica*, Pisa, 1832
- ANTONETTI PIERRE, *Histoire de la Corse*, Éditions Robert Laffont, 1977
- ANTONETTI PIERRE, *Sampiero Corso, soldat du Roi et rebelle corse 1498-1567*, Éditions France empire, 1987
- CAMBIAGGI G., *Istoria de regno di Corsica*, 1770
- CARATINI ROGER, *Histoire du peuple corse*, Éditions Critérion, 1995
- CARRINGTON DOROTHY, *La Constitution de Pascal Paoli 1755*, La Marge Éditions, 1996
- CESARE CASULA FRANCESCO, *La Storia di Sardegna*, Edizioni ETS, Carlo Delfino Editore, 1994
- CIRNEU PETRU, traduit et publié par l'abbé LETTERON, *De rebus Corsicis*, 1884
- COLONNA DE CESARI ROCCA P.P.R. et VILLAT LOUIS, *Histoire de la Corse*, Paris, 1938
- CULIOLI GABRIEL-XAVIER, *Le complexe corse*, Gallimard, 1990
- DE LANFRANCHI FRANÇOIS, *Le secret des mégalithes*, Éditions Albiana, 2000
- DE POMMEREUIL M., *Histoire de l'île de Corse*, Berne, 1779
- EMMANUELLI RENÉE, *Précis d'histoire corse*, Éditions Cyrnos et Méditerranée, 1970
- ETTORI FERNAND, *La Maison de la Rocca*, Éditions Alain Piazzola, 1998
- F.R.C., *Main basse sur une île*, Éditions Jérôme Martineau, 1971
- GAÏ DOM JEAN-BAPTISTE, *La tragique histoire des Corses*, Éditions S.P.E.R.A.R., 1962
- GALLETTI (Abbé), *Histoire de Corse*, Paris, 1863
- GIACOMO-MARCELLESI MATHÉE, CASANOVA ANTOINE, *Chroniques de Giovanni della Grossa*, La Marge Éditions, 1998
- GRAZIANI ANTOINE-MARIE, *Description de la Corse par l'évêque Giustiniani*, Éditions Alain Piazzola, 1993
- GRAZIANI ANTOINE-MARIE, *Pascal Paoli, Père de la patrie corse*, Editions Tallandier, coll. Figures de proue, 2002
- GREGORI JACQUES, *La nouvelle histoire de la Corse*, Éditions Jérôme Martineau, 1967
- GRIMALDI SIMON, *La Corse et le Monde*, Vol.1, Edisud,
- JACOBI J. M., *Histoire Générale de la Corse*, Paris, 1835
- JEHASSE JEAN ET LAURENCE, *La Corse antique*, CRDP de Corse, 1993
- JEHASSE OLIVIER, *Corsica Classica*, La Marge Éditions, 1986
- LEANDRI FRANCK, *Les mégalithes de Corse*, Éditions Gisserot, 2000
- LE MÉMORIAL DES CORSES, Volume 1 à 7, Éditions Albiana, 1981
- LETTERON (abbé), *Chroniques de Monteggiani*, C. Piaggi Bastia, 1910
- LIMPERANI GIO. PAOLO, *Istoria della Corsica da Tirreni suoi primi abitari fin al secolo XVIII*, Roma Stamparia Salomoni, 1780
- LUCIANI DIUNISU, *A Corsica tempa lli Sarragini*, Éditions Lettres Sud, 1998
- LUCIANI RENÉE, *Mémoires de Sebastiano Costa, grand chancelier du roi Théodore*, Aix-en-Provence : Éditions Atalta, 1972-1975 ; Paris : A. et J. Picard, 1972-1975
- MARCHETTI PASCAL, *Une mémoire pour la Corse*, Éditions Flammarion, 1980
- MARTIN JACQUES ET DENOËL JACQUES, *Le costume antique*, Éditions Casterman, 2000

- MORACCHINI-MAZEL, *La Corse Romane*, 1967
- ORSINI MICHEL, *La Corse terre vaticane*, 1976
- POLI XAVIER, *La Corse dans l'Antiquité et le Haut Moyen Age, des origines à l'expulsion des Sarrasins*, Éditions Albert Fontenay, 1907
- POMPONI FRANCIS, *Histoire de la Corse*, Éditions Hachette, 1979
- POMPONI FRANCIS, *La Corse et l'Histoire*, CRDP, 1990
- RAVIS GIORDANI G., *Guide de la Corse*, Éditions La Manufacture, 1991,
- ROCCA PETRU, *Connais-tu la Corse ?*, Paris, 1960
- SCALFATI SILIO-P.P., *La Corse Médiévale*, Éditions Alain Piazzola, 1994
- SEDILLOT RENÉ, *La grande aventure des Corses*, Fayard, 1979
- SERVICE RÉGIONAL DE L'ARCHÉOLOGIE, *Bilan Scientifique*, Ministère de la culture, 1994-1997
- SILVANI PAUL, *Corse des années ardentes, 1939-1976*, Éditions Albatros, 1976
- SIMEONI EDMOND, *Le piège d'Aleria*, Éditions Jean-Claude Lattès, 1975
- VERGÉ-FRANCESCHI MICHEL, *Histoire de la Corse*, Éditions du Félin, Paris 1996
- VERGÉ-FRANCESCHI MICHEL, GRAZIANI ANTOINE-MARIE, *Sampiero Corso, 1498-1567, un mercenaire européen au XVI^e siècle*, Éditions Alain Piazzola, 1999
- WEISS MICHEL-CLAUDE, *La statuaire mégalithique de Corse et de Sardaigne*, Università di Corsica, 2006
- YVIA-CROCE HYACINTHE, Quarante ans de gloire et de misères, Éditions Albiana, 1995

SUNTA

A CORSICA PREISTORICA

In i tempa di i tempa	p. 10
Filitosa	p. 11

A CORSICA ANTICA

Alalia	p. 16
A Cunquista rumana	p. 17
A Corsica rumana	p. 18
A Corsica è l'invasi barbari in lu Miditerraniu	p. 19
I primi tempa di u Cristianisimu	p. 20

A CORSICA MIDLIVALI

L'assalti saracini	p. 24
Tribbulati trà Islam è Cristianità	p. 25
A Corsica pisana	p. 26
Sinuncheddu da a Rocca dittu Ghjudicu di Cinarca	p. 27
A Ghjuvannara	p. 28
Sambucucciu d'Alandu è a Tarra di u Cumunu	p. 29
Vinciteddu d'Istria Vicirè di Corsica	p. 30
L'ultimi Cinarchesi, Ghjuvan Paulu da Leca è Rinucciu da la Rocca	p. 30

I TEMPA MUDERNI

Samperu Corsu	p. 34
I Turchi di Barbaria	p. 35
A Corsica ghjinuvesa	p. 36

A RIVULUZIONI CORSA

A lutta di libarazioni naziunali	p. 40
Pasquali Paoli	p. 41
Ponti Novu l'8 di maghju di u 1769	p. 42
U ritornu di u Babbu di a Patria	p. 44

A CORSICA FRANCESCA

Napuliò	p. 48
U XIX ^{mu} seculu	p. 49
Vindetta è banditisimu	p. 50
A guerra di u 14. A Corsica dissanguinata	p. 51
A Siconda Guerra mundiali	p. 52
A Spalluzzera corsa	p. 53
Tempa di i scambiamenti	p. 54
75 : Aleria	p. 55
A lutta clandistica	p. 56
Chì Corsica pà u XXI ^{mu} seculu ?	p. 57

APPICCI

Pievi à u Medievu (XIII ^{mu})	p. 61
Signurii corsi à u Medievu	p. 62
I Conti in a Storia è in i Cronachi	p. 64
Dinastia di i Conti di Corsica	p. 65
Ritratti di parsunaghji	p. 67
Ghjenuva è a Corsica	p. 70
Custituzioni di a Corsica indipindenti di u 1755	p. 71
Donni di Corsica	p. 72
Ani dittu	p. 73

Imprimé en France
© CNDP - CRDP de Corse - 2014
Dépôt légal : décembre 2014
Éditeur n° 86 620
Directeur de la publication : Brigitte Requier
N° ISBN : 978 286 620 324 5
Achevé d'imprimer sur les presses
de l'imprimerie Corlet

Storia di Corsica

Ùn basta à dì à i prufissori di storia « adatteti i prugrammi » par ch'elli a sappiinu fà tutti faciuli. U CRDP li hà dighjà portu un aiutu maiò cù a seria « 50 ducumenti ».

Và in u listessu sensu u libru di Diunisu Luciani chì esci oghji, è chì sarà utuli assai in lu insignalmentu bislinguu è al dilà. Travagliu storiku di qualitai, ùn pò ripiglià tutti tutti i punti di a storia corsa, è hè purtatu à sceglia ni mumenti di primura, cunsidarati cum'è significativi o simbolichi assai ch'ellu i possi tena à menti u scularu.